



## Polye no wanbel long gavman i daunim baset

OPOSISEN Lida Don Polye i no wanbel long Gavman i laik katim i kam daun Nesenel Baset bilong neks yia.

Mista Polye i tok pasin bilong Praim Minista Peter O'Neill long em i no menesim gut i konomi bilong dispela kantri i lukim gavman nau i sot long mani long apim Nesenel Baset i go antap.

"Gavman i no menesim gut mani bilong dispela kantri. Ikonomi bilong yumi long PNG i no stap gut bikos gavman i kisim moa dinau mani.

"Gavman i no tokaut stret long wanem taim bai yumi kisim mani bilong PNG LNG.

"Mak bilong dinau mani bilong gavman i go antap. Dispela em ol sampela samting we i soim olsem gavman i no yusim gut tingting long ranim gut kantri.

"Ikonomi bilong yumi i pundaun i kam daun. Yumi inap long amamas wantaim LNG mani tasol LNG mani i stap we?

"Mipela i no save. Ol papgraun i no save tu. Praim Minista Peter O'Neill wantaim gavman tasol i save," Mista Polye i tok.

Praim Minista O'Neill i bin tok Nesenel Baset bilong las yia i bin lukim gavman i skelim K14 bilien tasol Nesenel Baset bilong neks yia bai go daun.

Mista O'Neill i tok gavman bai daunim mani mak ol wan wan gavman dipatmen na stet ejensi i save kisim bikos prais bilong oil, ges, kol, kopa na arapela komoditi PNG i save salim i bin pundaun long intenesenel maket.

Maski kantri bai go long Nesenel Baset long neks yia, Mista O'Neill i tok dispela bai no inap lukim mani mak bilong Nesenel Baset i go antap.

Em i tok ol gavman bipo i save apim mani mak long ol-



OPOSISEN Lida Don Polye

geta ileksen yia tasol nau bai no gat. Mista O'Neill i laikim ol wan wan gavman diptamen na stet ejensi long yusim gut mani long ol namba wan eria tasol na i no ken westim mani nat-ing.

"Tresera Patrick Pruaitch na mi i gat planti yia ekspirens long kamap ikonmik minista. Mitupela i bin lukautim ikonmi bilong dispela kantri. Mani bilong dispela kantri i bin stap aninit long lukluk bilong mitupela.

"Mitupela bai helpim gavman na kantri wantaim dispela ekspirens mitupela i gat.

"Mitupela i bin ranim kantri long gutpela taim na long taim nogut wantaim. Ol ekspirens bilong mitupela long ranim gavman bai helpim pipel na kantri long dispela taim.

"Mipela i save pinis olsem prais bilong ol komoditi o samting bilong salim na kisim mani i pundaun long intenesenel maket.

"Prais bilong oil na ges, gol na kopa, na arapela ol komoditi i pundaun long intenesenel maket. Dispela i mekim gavman i katim Nesenel Baset bilong neks yia," Mista O'Neill i tok.

# EU givim mani long tripela ogenaísesen

YUROPEN Yunion (EU) i givim moa long K3.3 milien mani i go long tripela ogenaísesen long PNG long helpim wok bilong ol long strongim humen rait, demokrasi na gutpela gavanens.

EU i wanbel long helpim ol program bilong non-gavman ogenaísesen long strongim pasin demokrasi, humen raits, gutpela gavanans na rul ov lo long PNG na ol i givim dispela donesen long helpim wok bilong Child Fund Papua New Guinea, National Council of Women, na International Organisation for Migration (IOM) long PNG.

Embaseda bilong EU i kam long PNG, Ioannis Giogkarakis-Argyropoulos, i tok EU i amamas long wokbung wantaim ol gavman na non-gavman ogenaísesen long PNG bikos dispela kain pasin bilong wokbung tasol bai strongim gutpela pasin olsem pasin demokrasi, rul ov lo na gut gavanens.

"Mipela i wanbel long wok bilong Child Fund Papua New Guinea, National Council of Women, na International Organisation for Migration (IOM) long PNG.

"Wok bilong ol i wankain olsem ol wok EU i save mekim long helpim ol manmer ina komyuniti i stap gut," Mista



Ambesada bilong EU i kam long PNG, H.E. Ioannis Giogkarakis-Argyropoulos.

Giogkarakis-Argyropoulos i tok.

Mista Giogkarakis-Argyropoulos i makim maus bilong EU na i givim K3.1 milien long dispela ol tripela ogenaísesen. Wan wan ogenaísesen i kisim K1.1 milien.

"Ol lida bilong EU i kamapim EU long ol demokratik prinsipel, humen raits na rul ov lo. EU i gat strongpela pasin bilong kirapim poroman namel long PNG na mipela i laik yusim dispela poroman long strongim pasin bilong rispekim ol samting bilong pasin demokrasi, humen raits na rul ov lo," Mista Giogkarakis-Argyropoulos i tok.

Mista Giogkarakis-Argyropoulos i tok dispela mani

bai go long helpim ol dispela ogenaísesen i mekim gutpela wok ol i wok long mekim long komyuniti.

Mausman bilong Child Fund Papua New Guinea, Manish Joshi, i tok tenkyu long dispela bikpela helpim EU i givim long strongim wok bilong ol long Sentral Provins.

"Mi tok tenkyu long EU long givim mipela dispela mani. Dispela mani bai go long helpim komyuniti jastis sistem we mipela i laik kirapim long Sentral Provins," Mista Joshi i tok.

Em i tok dispela mani bai helpim Child Fund Papua New Guinea long strongim wok patnasip long komyuniti na viles level we ol i wok long wok bung wan-

taim ol polis long strongim lo bilong ol liklik pikinini.

Tresera bilong National Council of Women, Jane Kenni, i tok dispela mani bai helpim ol program bilong ol meri long kantri.

"Mipela i laik tok tenkyu long EU i luksave long ol meri na ol mama long PNG. Dispela helpim em i bikpela tru. Mi makim maus bilong ol mama long kantri na tok tenkyu long EU i luksave long mipela," Mista Kenni i tok.

Mausman bilong IOM, Khalil Omarshah, i tok dispela helpim ol i kisim

bai helpim ol long kotim ol manmeri husat i wok long stilim sampela manmeri long wanpela kantri na salim i go long narapela kantri.

"Humen trefiking em i wanpela bikpela hevi long wol. PNG i kamap wanpela kantri we ol i save kisim ol manmeri i kam insait long sip o kontena na salim i go long narapela kantri.

"Pasin bilong stilim ol manmeri na trefiking ol em i tambu tru. Ol manmeri husat i mekim dispela kain pasin i no ken mekim.

"Mipela bai yusim dispela mani long daunim level bilong humen trefiking," Mista Omarshah i tok.

## Sir Tipo pinis wok long Gavman Haus

Paul Zuvani i raitim

LONG-taim opisa long Gavman Haus, Sir Tipo Vuatha, i tokaut long wok bihain long wol 45 yia.

Em i mekim dispela tok taim em i go pas long wanpela bung bilong givim ol 2016 Kwin Betde awod medol i go long 90 manmeri long Gavman Haus, las wik.

Tipo i kisim tu dispela taitel bilong Sir long Kwin long dispela taim tu

Em i kisim taitel bilong Nait Besela (Knight Bachelor) awod long pablik sevis wok.

Long taim bilong tok gutbai long em Siaman bilong Gavman Haus Bod, Sir Frederick Reiher, i bin tok

Sir Tipo i bin komited na i givim taim bilong em i go long wok bilong em.

Em i tok dispela ol kwaliti em wanpela i mas i gat taim em i mekim kain wok olsem. Na em i gutpela Sir Tipo i gat dispela ol kwaliti.

Em i tok sapos em i no gat kain komitmen wok long Gavman Haus bai i no inap kamap gut.

Em i kamap seketeri 22 yia i go pinis.

Wantaim Reiher long tok gutbai long Sir Tipo em Gavana Jeneral Sir Michael Ogio.

Sir Michael i tok em i bin amamas long wok wantaim Sir Tipo.

Em i tok Sir Tipo i gat ol gutpela

pasin bilong Kristen, gutpela tingting na i soim dispela ol pasin long stap na wok bilong em.

Em i tok tu olsem Sir Tipo i no inap long mekim dispela ol gutpela pasin sapos meri bilong em i no stap na i tok tenkyu long meri bilong em tu.

Long bekim, Sir Vuatha i tok em i no tingting bilong em long lusim wok tasol bikos krismas bilong em i kamap long mak we em i mas ritai na olsem em i mas pinis long wok olsem pablik sevan.

Tasol em i tok planti ol plen bilong em wantaim Sir Michael i stap long Kopret Plen na i askim ol opisa i mas go het long mekim wok long dispela ol plen.

"Mi askim Gavman haus, plis lukim olsem dispela ol plen i wok," Sir Tipo i tok.

"Mipela i Tipo i tokim Wantok Nius olsem em i amamas long taim bilong em wantaim Gavman Haus.

Wanpela bikpela salens long em i bin bungim long wok bilong em, em long taim i luk olsem kantri i bin gat tupela praim minista.

"Mi traime olgeta samting long banisim Mama Lo. Mi laikim bai Gavana Jeneral i mas bihainim Mama Lo na olsem mipela i no laik Gavana Jeneral i sainim pepa bilong kamap bilong nupela praim minista.

"Mi tengim olgeta lain, ol opisa bilong mi yet na ol polis na olsem i

no bin gat wanpela hevi i kamap.

Sir Tipo i statim wok bilong em long Gavman haus long 1993, olsem wanpela pat taim opisa tasol bihain liklik olsem wanpela Fainens opisa.

Bihain ol i makim em Fainens Dairekta na bihain ol i bin makim em olsem Seketeri bilong Gavman

Em i wok Seketeri aninit long Sir Wiwa Korowi, Sir Silas Atopare, Sir Paulias Matane na Sir Michael Ogio.

Em i wok pablik sevan 45 yia, stat yet long taim em i wok wantam Egrikalsa Dipatmen, Administretive Sevis na bihain wok wantaim Gavman Haus.

# No gat pasin korapsen long Wabag

MEMBA BILONG Wabag, Robert Ganim, i tok i no gat wanpela pasin korapsen kamap long distrik bilong em.

Mista Ganim i mekim dispela toktok bihain long Presiden bilong Wabag LLG, Roy Kipalan, i tok Wabag i pulap long pasin korapsen.

Mista Ganim, husat i Siaman bilong Palamentari Riferal Komiti long Edukesen (PRCE), i tok toktok bilong Mista Kipalan i bagarapim nem bilong distrik.

Mista Ganim i tok Mista Kipalan i autim dispela toktok long autim kros bilong ol i rausim em long kamap Siaman bilong Edukesen long Wabag distrik.

Ol i rausim Mista Kipalan long sia bilong Deputi Gavana bilong Enga Provins tu.

"Dispela em ol toktok i kam long maus bilong wanpela man husat i belat long em i lusim dispela tupela namba wan wok insait long provins na distrik.

"Em i inap long askim em yet long as tru bilong em i lusim dispela tupela wok," Mista Ganim i tok.

Mista Ganim i tok Mista Kipalan i laik sanap long Wabag Open Sia long neks yia na dispela kain toktok long pilai politik i no ken kamap hariap.

# 200 polis meri bai mekim sekyuriti wok long FIFA U20 WWC

KLOSTU long 200 meri polis opisa bai mekim ol sekyuriti wok na sapotim FIFA U -20 Womens Wol Kap sekyuriti op-eresens.

Long Mande dispela wik, 51 polis meri i statim ol trening bilong ol long wanpela wok sop long Laguna Hotel long Pot Mosbi.

Dispela ol 51 polis meri bai wok olsem Tim Sekyuriti Lieisen Opisa (TSLO) bilong ol 16 tim husat bai kam pilai long dispela bikpela FIFA Wol Kap long neks mun.

LOC sekyuriti menesa, Hetahu Lohia, i tok dispela woksop bai helpim ol polis meri long save gut long wanem kain wok ol bai mekim long taim bilong dispela gem.

Ol bai wok klostu wantaim ol Tim Lieisen Opisa long stat i go inap pinis bilong dispela gem.

Wankain olsem Trai-Nesens Tonamen, wan wan tim bai kisim tupela o tripela TSLO na wanpela TLO husat bai stap wantaim ol long stat i go inap pinis bilong gem.

Polis Komisina Gari Baki i amamas long ol dispela polis-meri i kam long dispela woksop



Polis Komisina Gari Baki i opim Tim Sekyuriti Liasen Poise (TSLO) woksop long Laguna Hotel.

long helpim FIFA Wol Kap.

Komisina Baki i tok wok sekyuriti bilong dispela FIFA U-20 Womens Wol Kap i stap wantaim ol dispela polismeri.

Antap long ol TSLO, Mista Baki i tok moa long 130 polis meri bilong arapela senta bai kam long Pot Mosbi long statim ol sekyuriti operesen long pinis bilong dispela mun.

Ol i makim pinis foapela polis-meri long kamap veniu ko-

manda na ol ba bosim wan wan kona bilong pilai soka.

"Mi gat bikpela bilip long ol polis meri bilong yumi na mi lakim ol long go pas long olgeta sekyuriti wok bilong FIFA U-20 Womens Wol Kap," Mista Baki i tok.

Long dispela as, Mista Baki i tok namba bilong ol polis meri long dispela wok bai bikpela tumas.

"Mi alik askim olgeta polis-

meri long kamap gutpela ambe-sada bilong PNG na long dispela RPNGC bikos dispela em i namba wan taim PNG i holim dispela kain bikpela FIFA Wol Kap long kantri bilong yumi.

Mista Baki i tok nem bilong RPNGC bai go daun o go antap long dispela taim na em i stap long han bilong ol polis meri husat bai mekim sekyuriti wok.

"Dispela em i wanpela bikpela salens tu bikos em bai skelim wok bilong yumi long givim sekyuriti long kain ol bikpela intanesenel bung long dispela tonamen na long bihain taim tu wantaim.

"Yumi nid long redim yumi yet long APEC 2018 tu. Wanem samting yumi i mekim nau bai redim yumi long bikpela wok long APEC 2018," he said.

Sekyuriti operesen bilong dispela gems bai kisim helpim bilong National Intelligence Ofis (NIO) na long arapela sekyuriti patna long larim ol soka pilai, ol lain husat bai lukim gem, na ol intanesenel midia i stap seif.

Namba wan operesen bilong dispela tri wik FIFA Wol Kap bai kamap long stat dispela mun.

# Child Fund promotim ol rait bilong pikinini

YUROPIEN Yunion (EU) i wanbel long sapotim wok bilong Child Fund Papua New Guinea.

Dispela non-gavman ogenais-esen (NGO) i wok mekim gutpela wok long promotim ol rait bilong ol pikinini, na EU i givim K1.1 milien long las wik Fonde long sapotim gutpela wok ol i mekim long PNG.

Planti taim ol papamama na bikpela lain i no save givim rispek long ol pikinini na mekim nabaut long ol.

Dispela pasin i no gutpela. Child Fund i laikim ol papamama na ol arapela manmeri long soim laikim,



givim rispek na helpim ol pikinini long kamap gutpela manmeri long kantri long bihain taim.

Taim nupela lo bilong ol pikinini ol i kolim, Lukautim Pikinini Act, i kamap taim, gavman na arapela ol NGO patna olsem Child Fund PNG i wok long mekim moa wok long givim luksave long ol pikinini.

Child Fund i statim ol komyuniti projek long Sentral Provins. Aninit

long dispela projek bilong ol, Child Fund i wok long strongim ol kot sistem bilong mekim save long ol manmeri husat i kamapim birua long ol pikinini na husat i no rispektim ol rait bilong ol pikinini.

Ambaseda bilong EU i kam long PNG, Ioannis Giogkarakis-Argyropoulos, i tok EU i luksave long dispela wok Child Fund i mekim long PNG.

Mista Giogkarakis-Argyropoulos i tok em i amamas long kamapim dispela patnasip namel long EU na Child Fund.

"Mipela i amamas long luksave long dispela wok Child Fund i mekim. Ol pikinini i gat ol rait bilong ol. Planti taim arapela ol manmeri i no save rispektim rait bilong ol pikinini, tasol mi amamas long luksave olsem Child Fund i mekim gutpela wok long promotim rait bilong ol pikinini," Mista Giogkarakis-Argyropoulos i tok.

Kantri Dairkta bilong Child Fund, Manish Joshi, i tok etnkyu long EU i luksave long wok bilong ol.

"Dispela mani bai long helpim ol viles kot na distrik kot i luksave long ol nupela lo bilong helpim ol pikinini.

"Projek bilong mipela i stap long Abau, Kairuku-Hiri na Rigo insait long Sentral Provins. Mipela i wok long helpim ol manmer long luksave long ol rait bilong ol pikinini.

"Ol bikpela manmeri i no ken paitim ol pikinini. Ol i no ken givim hat wok long ol. Ol i mas rispekim ol pikinini.

"Dispela kain wok em i wok bilong mipela. Dispela helpim EU i givim bai larim mipela i mekim moa wok long helpim ol laip bilong ol pikinini husat i wok long bungim hevi na birua," Mista Joshi i tok.

**WE ARE BSP**

## BANK WHERE YOU ARE

A BSP Agent provides you access to basic banking services anywhere in PNG.

**Do your banking where you are!**

www.bsp.com.pg

# Solwara surik kamap long NCR long Madang

James G. Kila i raitim

**OL pipel bilong ples Matugar Not Kos Rot (NCR) bilong Madang provins i pret tru nau long lukim solwara i wok long go antap na klostu taim bai rausim bikpela hap bilong Madang-Bogia rot.**

Dispela bikpela bagarap long rot em bai mekim ol pipel, gavman na bisnis i pret tru long wokabout bilong ol sapos rot i bruk olgeta. Moa long en tu ol pipel bilong ples Matugar i pret bikos viles bilong ol bai bagarap taim solwara i brukim graun i go insait long ples.

Mak bilong solwara i go antap i bikpela hevi insait long wol long dispela taim bilong klaimet senis. Planti ol nambis na ailan komyuniti long PNG i bungim wankain hevi.

NCR i save sevim planti tausen pipel bilong Sumkar, Bogia na Midel Ramu distrik bilong Madang provins. Ol pipel

bilong Is Sepik tu i save yusim NCR taim ol i kisim moto i kam long Boroi na kisim kar long go long Madang.

Ol lida bilong Matugar viles long Sumgilbar LLG insait long Sumkar distrik i mekim strongpela askim pinis i go long Madang provinsal gavman na Nesenel Gavman long wokim kamap siwol o banis wantaim simen long traim stopim solwara long surik i go moa na bagarapim pablik rot. Tasol askim bilong ol i go nating tru, na gavman i no lukluk long stretim yet dispela bagarap i wok long kamap long Matugar.

Wanpela man bilong Matugar Paul Wadau i tok pastaim tru bikrot bilong Not Kos Rot (NCR) i stap longwe long nambis. Tasol solwara i, brukim ol diwai kalapilum na ol kokonas long wesana long nambis na i surik i go yet long ol yia pastaim na nau solwara i go klostu tru long

pablik rot.

Em i tok wanpela liklik simen bris we wanpela riva save go aut long solwara tu i wok long pusim solwara na tait i kamap na skruim solwara i go strong moa yet na klostu bai brukim rot klostu long Matugar viles.

Ol lida i tokaut olsem ating gavman i laik lukim rot i bagarap pastaim na wokim samting o? Ol i tok taim solwara i surik, surik yet, na ol i mas putim ston banis long nambis long Matugar, na stopim solwara long go insait na bagarap viles na pablik rot.

Wanpela komyuniti lida long Matugar viles i tokaut olsem ol pipel long ples i wok long pret bikos bikpela win i save mekim solwara i go strong tru na sakim ol wara i go antap long rot na i no long taim rot bai bruk olgeta. Taim dispela i kamap planti tausen pipel bilong Sumkar, Bogia na Midel

Ramu long Madang provins na tu ol lain bilong Is Sepik husat i save yusim dispela provinsal rot bai kisim hatpela taim stret.

Em i tok nesenel

gavman aninit long Woks Dipatmen i mas lukluk na mekim sampela samting nau long stopim solwara i go antap long rot na ples.

Ol manmeri husat

save ran long PMV na ol trak i go kam long not kos rot i go long Bogia i wok long pret nau bikos bikpela rot nau em solwara klostu bai rausim.

I gat ripot i tok

olsem i gat sampela ol eria long NCR i go olsem long Bogia tu em solwara i wok long brukim sait bilong rot na klostu bai rot i pundaun go insait long solwara.



NCR long Madang rot i go long Bogia bai bungim hevi long level bilong solwara i go antap. Foto: James G. Kila

## Solomon kisim luksave bilong Kwin

Paul Zuvani i raitim

BIKNEM ripota o jonalis meri, Anna Solomon i kisim luksave bilong Kwin bilong Ingran.

Em i kisim awot bilong Memba bilong Britis Empaia (MBE).

Maski gavman i tokaut long dispela awot long 2008, Solomon i no kisim inap long las wik we em i kisim long Gavman Haus wantaim ol arapela 90 manmeri husat i kisim luksave bilong Kwin long 2016 Kwin Betde awot.

Em i tok em i amamas long luksave gavman i givim long wok bilong em olsem wanpela nius ripota na manesa bilong media.

"Mi tok tenkyu long Word Publishing kampani na Wantok Niuspepa na ol wanwok long bikpela sapot bilong ol long taim mi bin wok wantaim ol," Solomon i tok.

"Mi tok tenk yu long praim minista bipo Gren Sif Sir Michael Somare na gavman bilong em



Gavana Jenerel i onarim MBE long Anna Solomon, luksave bilong Kwin bilong Ingran.

husat i bin givim mi dispela awot long 2008. Mi bin go long ples na mi bisi long ol arapela wok olsem na mi no bin kamap long Gavman Haus long kisim dispela awot inap long las wik Fonde.

"Mi tok amamas tu long ol arapela wok man na meri long mida indastri husat i bin kism wankain luksave long wok bilong ol.

"I gat planti ol salens ol nius lain i save bungim long wok bilong ol, tasol ol i mas sanap strong na i mekim stret wok.

"Dispela i bikpela wok na yumi no ken surik long husat man o ogenaisesen i traim long pretim yumi.

"Sapos yumi mekim wok stret na i no les bai ol manmeri i ritim stori bilong yumi na i gat bilip long yumi olsem yumi em ol profesenel ripota."

Solomon i tok tude i gat planti nupela teknoloji na pasin bilong painim na kisim nius na putim long pepa, redio o televisen.

Em i tok tasol dispela i no ken mekim mipela i les long mekim wok bilong mipela. Nogat.

"I gat nupela teknoloji tasol planti nius yumi harim na ritim tude em long ol samting i kamap long Pot Mosbi na ol arapela bikpela siti na taun tasol," em i tok.

"Yumi i wok long

lusim ting long ol manmeri i stap long ol ples longwe tru.

"Ol tu i gat ol stori bilong ol na em i wok bilong yumi ol ripota long kisim ol dispela stori na soim long ol manmeri bilong PNG na wol tu."

Solomon i bin wanpela ripota na stat wok wantaim Wantok Niuspepa bihain long em i pinisim skul long Yunivesiti bilong Papua Niugini long 1979.

Long dispela taim em i save raitim stori long Inglis na Tok Pisin wantaim.

Em i ritaia long wok ripota long 2005 na i stap tasol long haus. Em i helpim tasol Wantok Niuspepa long editim ol stori.

Ol arapela lain husat i kisim awot long 2016 em seketeri bilong Gavana Jeneral, Tipu Vuatha, deputim praim minista Leo Dion na Asbisop bilong Mosbi Asdaiaosis na husat Pope i makim em long nupela sia em Kardinel John Ribat.

Ol i kisim taitel bilong Sir. Ol arapela i kisim taitel daunbilong



### URGENTLY REQUIRED

**Free lance Advertising Sales Representative to sell Space Advertising and Bulk Subscription of Wantokniuspepa to government departments, Business houses, churches, schools & institutions, NGOs and interest individuals in their respective Provinces.**

Are you retired, out of work or looking for something to do, this will be an ideal opportunity .

Attractive incentive is available to people who are willing to help themselves at their own time.

**Qualifications;**

- Pervious experience in selling advertising space or related industry but not necessary
- Living in provincial towns with own accommodation
- Own car
- Contactable mobile phone/Emails etc

If you meet the above criteria please send your expression of interest in the first instances to:

**The Sales and Marketing Manager, Word Publishing Company Limited. P.O.Box 1982, BOROKO NCD. Ph: 3252500, Mobile Ph: 79187688 or email advertising@wantokniuspepa.com lbents@wantokniuspepa.com**

Applications Close 4th of November 2016.



**PALAMENNIUS**

# Mani mak bilong APEC bung em i K120m

## Oposisen laik stopim APEC bung

OPOSISEN lida Don Polye i laikim Gavman long stopim dispela plen bilong holim bikpela bung bilong APEC long yia 2018.

Taim gavman i investim bikpela mani, taim na wok long larim dispela bung bihain long neks yia i kamap gut, Oposisen i ting dispela bung bai no inap kamapim wanpela gutpela benefit bilong kantri.

Mista Polye i tokim Palamen long dispela wik olsem gavman i no tokaut stret long mani mak tru bilong holim dispela bung we bai lukim ol praim minista na presiden bilong sampela pawaful kantri long wol i kam bung long PNG.

"Mi no ting Praim Minista Peter O'Neill i tok stret taim em i tok mani mak bilong dispela bung bai K120 milien tasol. Mi skelim na glasim ol samting na mi lukim olsem gavman bai nidim K600 milien long ranim APEC bung," Mista Polye i tok.

Em i tok sapos kain ol bikpela kantri olsem Rasia, Saina na Filipins i yusim moa long K120 milien long holim APEC bung long kantri bilong ol long bipo, PNG bai nidim moa mani long mekim ol wok bilong dispela bung.

Mista Polye i tok strong tu olsem PNG bai no inap kisim wanpela gutpela samting long dispela bung na em i askim gavman long lus tingting long holim dispela bung na larim arapela kantri i holim.

Tasol Mista O'Neill i tok Mista Polye i no save long wanpela samting long dispela bung.

"Mani mak i no bikpela tumas. Em i klostu long K120 milien. Mi no save wanem hap Oposisen Lida i kisim dispela mak. Em i giamanim ol manmeri, em i giamanim kantri na mi laik laip," Mista O'Neill i tok.

Mista Polye i tok Tuisen Fi Fri Edukesen polisi bilong gavman i nidim moa mani tasol gavman i no gat inap mani.

Mista Polye i askim gavman long salim K600 milien long Edukesen Dipatmen long ranim gut TFF na lus tingting long APEC 2018.

TOTAL mani mak PNG Gavman i nidim long holim bikpela bung bilong APEC long yia 2018 em i K120 milien tasol, Minista bilong Spots, Nesenel Invents na APEC, Justin Tkatchenko, i tok.

Dispela mani mak em i wankain mak we Praim Minista Peter O'Neill i givim long Palamen long Mande long dispela wik.

Taim Oposisen Lida Don Polye i no bilip long dispela mani mak, Minista Tkatchenko i tok

PNG i gat ol samting pinis long holim kain ol bikpela bung bilong wol lida na dispela mani mak bai inap long holim dispela bikpela bung.

"Mipela i toktok wantaim P & O Maritime pinis. Ol bai givim mipela tripela krus sip bilong ol long helpim yumi long taim bilong APEC.

"Presiden na Praim Minista bilong wan wan kantri bai slip long dispela ol krus sip long 10-pela de na 10-pela nait.

"Mineral Resources

Development Company (MRDC) i wok long kirapim Hilton Hotel long Pot Mosbi. Dispela hotel bai kamap wanpela namba wan ples o veniu bilong ol wan wan wok manmeri bilong APEC taim ol i laik bung long yia 2018.

"Takis Kredit Skim (TCS) bilong Oil Search Limited bai givim K120 milien long kirapim nupela APEC Haus long Ela Beach.

"Mipela i brukim graun long kirapim dis-

pela haus long las wik. Planti bikpela bung bilong APEC bai kamap long Intenesenel Konsensen Senta long Waigani.

"Ol samting we yumi nidim i stap pinis na dispela i helpim gavman long daunim mani mak bilong holim dispela bikpela APEC bung," Mista Tkatchenko i tokim Palamen.

Mista Tkatchenko i tok gavman bai katim daun kost o mani mak bilong dispela bung.

Em i mekim dispela toktok taim Gavana bilong Is Nu Briten, Ereman ToBaining Jnr, i askim em long tokaut kliia long mani mak bilong holim dispela bikpela bung we moa long 20 APEC memba kantri bai kam bung long en.

Presiden bilong Amerika, Saina, Korea na Rasia, na Praim Minista bilong Japan, Australia, Nu Silan na Kenadaem ol sampela pawaful wol lida husat bai kam long PNG long dispela bung.



Faines Minister James Marape wantaim ol narapela memba i redi long go insait long Semba.

**Minister bilong Helt na Memba bilong Mosbi Not Wes Michael Malabang na Gavana bilong Sentral Kila Haoda i wokabout go insait long Semba taim Palamen i sidaun long Trinde. Ol Poto Nicky Bernard.**



## Bung bai bringim planti gutpela samting

BIKPELA bung bilong APEC long yia 2018 bai bringim planti gutpela samting long dispela kantri, Minista bilong Spots, Nesenel Invents na APEC, Justin Tkatchenko, i tok.

Mista Tkatchenko i tokim Palamen long Trinde long dispela wik olsem dispela bung bilong ol lida na delegesen bilong 21 memba kantri bai bringim mani i kam insait long kantri bilong yumi na PNG i mas redi long kisim benefit.

"Planti ol samting we

mani bilong APEC bai go long en, em insait long kantri bilong yumi. Ol wan wan delegesen bilong APEC memba kantri i kisim mani i kam insait.

"Ol i baim hotel rum, kaikai, balus tiket, haia kar, na arapela ol samting. Arapela poroman kantri bilong yumi wok long helpim yumi long redi long dispela bung.

"Ol dispela helpim i bringim mani na arapela gutpela samting we manmeri, ol bisnis haus, na pipel bilong dispela

kantri bai kisim benefit," Mista Tkatchenko i tok.

Em i tok planti ol samting olsem bikpela haus na hotel we i wok long kamap long helpim gavman i holim dispela bung, bai stap long kantri long planti yia na ol manmeri bai yusim long bihain taim.

Moa long 7,000 sif eksekutiv opisa bilong ol bikpela kampani stap insait long APEC memba kantri bai kam long PNG long dispela taim.

# Mekim na Save

**Sapta 2**  
...moa yet long hap 1 (Taro)  
Kaikai bilong givim strong

### ELEFAN YAM (Wel Taro)

Man I save kaikai as na nupela lip bilong en. Em I no save kamap bikipela hariap. Em I save winim fopela krismas pastaim na kamap bikipela. Em tu I wanpela gutpela spia kaikai long taim bilong hangre.

### YAM

Tok I go pas  
Long sampela hap bilong Papua Niugini, yam I stap olsem wanpela bikipela samting tru. Long taim bilong ol tumbuna, ol I bin wokim kain kain blesim na singsing bilong yam, na nau long dispela taim em I stap yet olsem nambawan samting bilong gaden.

Yam I winim taro na kaukau long wanpela samting olsem: Sapos yu kamautim na putim gut long ples drai, nay u no karamapim, na win I go kam long en, na I no gat wara I holim pas em, na rat I no kaikai, em bai yam I stap gut, inap winim sampela mun. I no olsem kaikai na trao na I sting kwik, nogat.

### Tok bilong planim

I gat mun bilong planim yam. Taim bilong san I laik pinis na taim bilong ren I klostu, em nau planim yam.

Man I save lusim het bilong yam I stap, inap kru I kamap orait, planim.

I gat kankain rot bilong planim.

Narapela I olsem: Dikim hul I go daun tru, na brukim graun I kamap malumalu, na pulimapim long hul, na planim yam. Bai kaikai I kamap bikipela, bihainim graun malumalu I go daun.

Narapela rot I olsem: Wokim hap baret na slipim skin diwai, long hap bilong nupela kaikai I laik kamap long en, na karamapim long graun. Bai kaikai bilong yam I bihainim skin diwai. Bihain bai I no hat tumas long kamautim.

Rop wantaim lip bilong yam I save goap long stik, olsem na yumi save planim longpela longpela stik olsem mambu, long rop I ken raunim I go antap.

Yam I no save kamap hariap, olsem na man I save planim sampela arapela kaikai lo kumu namel long ol yam.

# UN lonsim "Sanap Wantaim" GBV kempein

### Paul Zuvani i raitim

### UNITED Nesen (UN) bai lonsim jenda besvailen (GBV) awenes kempen long tumora.

UN i laik yusim kempein long pait agenisim ol hevi bilong GBV.

Gavana bilong Nesenel Kapitel Distrik bai lonsim dispela kempein.

Wantaim hettok "Sanap Wantaim" UN i laik wok wantaim midia long mekim kempein.

GBV em ol hevi i pas wantaim bodi, tingting, sosel o spirit na ol i ken kamap long man na meri wantaim. Planti i save kamap long ol meri na ol pikinini.

GBV em taim man paitim o bagarapim meri, i save banisim fridom bilong em long tingting o mekim samt-

ing, i no save givim o sapotim meri long mani o i daunim bilip na lotu pasin bilong em.

Bikipela toktok long kempein em:

- Ikwality – man na meri wantaim i wankain. Mama Lo i tokaut long dispela rait na em humen rait. God i mekim man na meri long tupela wantaim i gat dispela rait;
- Tok orait – Meri i gat rait long bodi bilong em. Taim em i tok nogat em min nogat;
- Bagarapim meri long bodi, tingting, sosel o long bilip i no gutpela;
- Sanap wantaim – meri na man wantaim i mas sanap

wantaim na pait egenisim hevi bilong GBV; na

- Seif siti i min gutpela siti.

Long stat UN i tokaut long wanpela ripot bilong stap bilong Pot Mosbi long sait bilong stap seif.

Dispela em bihain long wanpela wok painim ol i mekim long siti.

Dispela ripot i tok long 2025 ol i bilip namba bilong ol manmeri long siti bai go antap long 400,000 na 50 pesen bilong dispela ol lain em krismas bilong ol bai stap aninit long 29. Moa long dispela 50 pesen manmeri bai no gat wok bilong ol.

Inap olsem 100 setelmen bai kamap we 79

bilong ol bai kamap long laik.

Mosbi bai kamap wanpela ekspensiv siti we prais bilong ol gud na sevis bai stap antap.

Sevis long givim ol manmeri bai sot.

UN i bilip taim kain sindaun i wok long kamap planti ol hevi bilong GBV bai kamap tu.

Long yusim kempein na daunim dispela hevi, UN bai yusim ol Bilbod, FIFA U20 Wol Kap pilai long Mosbi, askim na larim wanpela singa meri long Afrika i kam na givim toktok na tokim ol mangi long Bomanana i kamap na givim pablik toktok na mekim awenes kempein.

Ol yangpela ol sampela grup bai go pas long wan wan ol samtting na mekim kempen.

People connecting Business People



# PNG Air

CENTRAL RESERVATIONS

Phone: + 675 7222 2151 | Fax: + 675 325 4867  
TOLL FREE NUMBER 16111 | Email: reservations@pngair.com.pg

# Winghei praimereri skul kisim haus tisa

**YANGORU-Saussia Distrik bai gat 70 klasrum na 50 haus long olgeta skul insait long distrik taim dispela yia i pinis.**

Ol dispela developmen i kamap insait long 4-pela yia bilong Richard Maru i stap Memba bilong Yangoru-Saussia Distrik.

Dispela toktok i bin kamap taim Sif Eksekutiv Opisa bilong Yangoru-Saussia Distrik Developmen Atoriti, Fantson Yaninen i go pas long makim Minista Maru long opim wanpela haus tisa long Winghei Praimereri Skul las wik.

Wanpela haus i gat 4-pela haus tisa i bin kirap wantaim mani mak bilong K150,000 aninit long Distrik Sevs Impruvmen Program mani.

Ol 50 haus tisa i gat 15 haus bilong ol Distrik top menesmen we ol bai kirapim long Yangoru stesen.

Distrik nau bai pinisim 59 bikpela rot long olgeta hap bilong Distrik na 40 helt fasiliti.

“Wantaim lo na oda, distrik i tromoi pinis moa long K3 milien long kamapim seif ples long distrik long olgeta lain bai stap.

Ol inap long yusim mani long ol yut developmen na ol nara-



pela wok,” Mista Yaninen i tok.

Mista Yaninen i tok moa olsem mani mak bilong K900,000 we ol i yusim olgeta yia long baim pe bilong ol nes we distrik i bin kisim ol long wok taim ol i nogat inap wok-lain.

“Hevi bilong ol helt fasiliti em sot long ol wokman na wokmeri long olgeta hap bilong Distrik. Ol i bin bringim wanpela skolasip program bilong sponsa long ol sumatin long kisim nesening stadi na bihain ol i kisim ol long wok long Distrik helt sevis. Boram Haus sik long Wewak nau i bagarap na ol

pipel i no inap long go yet long Wewak long kisim gutpela helt sevis long dispela hap,” Mista Yaninen i tok.

Mista Yaninen i tok Distrik i tromoi pinis K1 milien long skul fi subsidi bilong ol sumatin husat i go long teseri institusen long kantri long las yia na dispela yia long soim strongpela tingting bilong Distrik long bringim kwaliti edukesen i go long ol pikinini bilong Yangoru-Saussia Distrik.

Dispela i bihainim Distrik Edukesen polisi.

Mista Yaninen i tokaut moa long K30,000 mani we Minista

Maru i givim long kirapim wanpela nupela klasrum bilong fida elementri skul bilong Winghei Praimereri skul.

Long wankain taim i gat plen pinis long developim Winghei Praimereri Skul long kamap wanpela junia hai skul bihain long Kusambuk Praimereri Skul. Kusambuk bai kisim namba wan lain bilong Gret 9 sumatin long neks yia.

Mista Yaninen i tok, Winghei Praimereri Skul bai kisim mani yet wantaim projek inap em i senis i go long wanpela junia haikul.

## Hula praimereri skul bungim ol gret 8 sumatin wantaim papamama

**Frieda Sila Kana i raitim**

**OLGETA** sumatin bilong gret 8 nau i sindaun long Nesenel Eksam o test bilong ol i go insait long gret 9. Long Alan Jones Memorial Praimereri Skul long Hula, Rigo Distrik bilong Sentral Provins, 101 gret 8 sumatin i bin amamas long taim ol tisa na ol papamama i bin wokim kaikai na sindaun wantaim ol long Fraide 21 Oktoba.

Tingting bihain long dispela bung kaikai em Bod na Menesmen bilong skul i laik givim sampela stia tok na pre long ol sumatin bilong gret 8 pastaim long ol i sindaun long wokim test bilong ol long dispela wik.

Ol papamama i kamap gut wantaim ol kain kain swit kaikai, abus na wanpela bikpela kek we skul i bin baim bilong ol sumatin.

Pastaim long ol gret 8 sumatin i kaikai wantaim ol tisa bilong ol na ol mamapapa, Pastor Edwin bilong CRC sios long Makerupu, i bin givim wanpela tok long 1 Korin 15:3 na bihain em i pre long ol. Bihain log dispela, prinsipal bilong skul, Henry Karao i bin tok tenkyu long ol papamama na ol tisa bilong gret 8 na sampela narapela tisa tu wantaim ol tisa bilong Hud Poin Haikul long kisim remediel klas wantaim ol gret 8 sumatin.



“Yumi wok wantaim, em i mekim bikpela senis,” Mista Karao i tok.

Em i strongim ol papa na mama long mekim gutpela tok-tok long ol pikinini bilong ol na givim gutpela tingting long ol.

“Pastaim long ol i wokabaut i go long haikul, ol i mas sindaun long wanpela test” Mista Karao i tok.

“Yupela ol sumatin, yupela i amamas long go insait long hapsait isi tasol long werim blupela unifom tasol nau em eksam i kam pinis. No ken pret

bikos ol papamama i givim taim bilong ol long mekim gutpela toktok long yupela,” em i tok.

Mista Karao i tok ol gret 8 bilong Alan Jones Memorial long tupela yia i go pinis i bin mekim gut long Nesenel Eksam mak bilong ol insait long Sentral Provins olsem na em i gat bikpela bilip olsem ol dispela yia gret 8 tu bai mekim gut.

Long wankain taim Prinsipel bilong nupela Hud Poin De Haikul we i stap insait long banis wantaim Alan Jones

Memorial i tok, mak bilong ol gret 8 bai skorim long go insait long haikul em 65 poin bilong 150 poin.

Na long dispela taim Karo Kapa, het boi bilong Hud Poin Haikul i tok, Las yia, Alan Jones Memorial i bin kisim 132 mak bilong 150 olsem na em i salensim ol gret 8 long skorim olsem 142 bilong 150 poin long dispela yia.

Em i tok tenkyu long ol pastor long givim gutpela toktok bilong God na long ol tisa long givim remediel long ol.



## Kamapim moa skul na stiaim PNG

LONG dispela yia 2016, moa long 25 tausen yangpela sumatin i sindaun long eksam bilong Gret 12 insait long PNG.

Dispela olgeta yangpela i gat driman long go insait long wanpela yunivesiti o koles neks yia.

Tasol yumi lukluk gut i no gat inap yunivesiti o koles long PNG. Planti praivet skul i wok long kamap na maski ol i sasim traipela mani tru long skul fi ol yangpela i hangre tru long skul na ol i save painim rot bilong inapim dispela skul fi mak.

Wanpela askim i wok long raun long het bilong mi em olsem; olsem wanem na wanpela kantri em i ris tru long ol risos olsem diwai, gol na kopa na pis i no inap kamapim moa skul bilong ol pikinini bilong em? Bilong wanem na ol yangpela i mas baim traipela mani long kisim save?

Tingim. Wanpela de dispela ol yangpela bai i ranim dispela kantri. Ol bai i kamap politisen, bisnisan, tisa o loya na ol bai i stiaim dispela kantri. PNG i mas gat tingting long stiaim dispela ol yangpela nau na i no larim ol i stap ausait long skul. Long dispela as em gavman i mas kamapim sampela moa yunivesiti na koles.

Dispela ol yunivesiti o koles i mas kamapim ol trening we i gat mining long kamapim na strongim PNG. Ol yanpela i mas lainim ol samting we bai i helpim ol na kantri bilong ol long bihain taim.

Ol yangpela bilong tude i mas gat driman olsem wanem samting ol i mekim bihain em bilong gutpela bilong kantri bilong ol. Ol i mas gat driman long kamapim samting long han bilong ol yet.

Ol skul bilong tude i redim ol yangpela long go wok long ol kampani. Planti dispela ol kampani i no bilong PNG. Olsem wanem bai PNG i mas stap oltaim long mekim wok bilong arapela?

Long ol yia bipo long PNG i bin kisim independens i bin gat planti driman bilong PNG bai i sanap olsem wanem, em bai i luk olsem wanem na husat bai i mekim PNG i kamapim dispela pes. Ol dispela yangpela lain long dispela taim i bin gat driman na ol i no slip inap PNG i bruk lus long Australia.

Nau PNG i stap long wanpela mak. Populsen bilong em i kalap hariap tru i go long 7 milien insait long 10-pela krismas tasol stat long yia 2000. Nau yumi lukim planti yanpela manmeri i stap raun nating. Olsem wanem bai kantri i larim ol i raun olsem? Yumi gat wok long mekim kantri blong yumi i kamap strongplea na ol yangpela i wanpela bikpela wokfos we PNG i no inap larim tasol i stap.

PNG i gat ol risos; pipel risos na risos i kam long bus, graun na solwara. Em i ken mekim sampela gutpela samting olsem kirapim moa yunivesiti na koles na putim insait ol trening we i sut tru long strongim PNG. Em i gat wok long mekim dispela driman long taim bilong independens i gat mining long ol yangpela bilong yumi tude.

# Praim Minista opim nupela 5-sta hotel long Mosbi

# Palamen i op long manmeri

**PRAIM Minista Peter O'Neill i opim nupela Stanley Hotel na Suites long Pot Mosbi long las wik Fonde nait.**

Dispela nupela hotel bilong RH Grup, wanpela biknem kampani bilong Malaysia, bai kamap wanpela nupela 5-sta hotel insait long kantri.

RH Grup i yusim K400 milien long kirapim dispela nupela hotel long Pot Mosbi. Mista O'Neill i tok ol bikpela kampani long narapela kantri i gat strongpela bilip long ikonomi bilong PNG bikos ol i wok long kam insait long kantri na inves, mekim bisnis na mekim winmani.

"Mi amamas long tok welkam long nupela Stanley Hotel na Suites. Dispela em i wanpela bikpela 5-sta hotel bilong yumi long kantri.

"Dispela nupela hotel em i namba



%-Stal hotel bilong Stanley, ausait na insait. Poto: Intanet

wan developmen long kirapim bisnis bilong turis long kantri. Gol, kopa, ges na oil bai pinis. Mi save tok planti taim olsem turis bai stap yet.

"Dispela nupela hotel bai sapatim na groim bisnis bilong turis na mipela i amamas long patna wantaim RH Grup long promotim turis," Mista O'Neill i tok. Em i tok dispela nu-

pela hotel bai helpim gavman long holim ol bikpela bung long kantri olsem APEC Samit long yia 2018.

Mista O'Neill i tok Gavman bai wok bung wantaim ol praivet sekta na intanesenel long larim kantri i holim ol bikpela bung na apim namba bilong ol manmeri i kam insait long kantri.

"Long dispela yia, bai yumi holim

bikpela bung bilong FIFA U-20 Wimens Wol Kap. Neks yia PNG bai holim bikpela bung bilong Ragbi Lig Wol Kap," Mista O'Neill i tok.

Em i tok dispela tupela bikpela bung bai yusim ol dispela bikpela fasiliti long larim ol manmeri i gat gutpela bung na apim nem bilong PNG olsem wanpela kantri bilong holim bung

long intanesenel level.

Mista O'Neill i tok tenkyu long RH Grup i gat strongpela bilip long ikonomi bilong dispela kantri na inves moa long PNG.

Stanley Hotel na Suites i stap arere long Visen Siti long Waigani. Em i redi long kisim ol manmeri husat i laik slip o mekim kain kain fanksen o miting.

## Prodaksen bilong aluvial gol i pundaun

MINERAL Risos Atoriti (MRA) i tok prais bilong aluvial gol long intenesenel maket i pundaun i kam daun long stat long yia 2013.

Menesing Dairekta bilong MRA, Philip Samar, i tok prodaksen i pundaun long yia 2014.

Mista Samar i tok long yia 2014, kantri i bin kamapim 120 auns bilong aluvial gol. Mani mak bilong dispela em i K373.3 milien.

"Long yia 2015, kantri i bin kamapim 113 auns bilong aluvial gol we mani bilong dispela i bin sanap olsem K356.3 milien," Mista Samar i tok.

MRA i tok long dispela yia, prodaksen bai pundaun long 90 auns. Tasol prais bilong gol i bin go antap liklik long dispela yia long K4, 153.33 long wanpela auns.

Em i mekim dispela toktok taim MRA na ol liklik aluvial gol maina na aluvial gol baia na sela i laik bung long Goroka long Isten Hailans.

Long wankain taim wanpela liklik kampani bilong



Aluvial gol

baim aluvial gol, Mt Kare Gold Consultants, i redi long baim gol long Porgera, Tari, Mt Kare, Paiela na Kompiam.

Bosman bilong Mt Kare Gold Consultants, husat i no laik long tokaut long nem bilong em, i tok ol i laik helpim ol asples manmeri long dispela ol ples insait long Enga na Hela Provins bikos papa bilong kampani em bilong dispela hap.

"Mipela i helpim pinis sampela ol manmeri long ples husat i painim hat long salim ol aluvial gol bilong ol.

"Nau mipela i singautim sampela moa manmeri long joinim mipela. Sevis bilong mipela i redi i stap long helpim ol.

"Mipela i no save giamanim ol pipel long ples. Mipela i save bihainim stret prais bilong gol long wol

maket na baim gut ol liklik ples lain husat i save was long gol long mauten o arere long wara.

"Mipela i save laik long helpim ol manmeri long ples. Mipela i lukluk long Mt Kare, Porgera, Paiela, Tari na Kompiam.

"Ol pipel bilong mipela long dispela ples i ken kam lukim mipela na salim gol long mipela.

"Mipela i no save paulim ol manmeri. Planti ol manmeri long ol dispela ples i no save gut long rit na rait, tasol mipela i no save paulim ol.

"Mipela i laik skulim ol long mekim bisnis. Mipela i laikim ol long kam salim aluvial gol bilong ol long mipela, na mipela i save salim gen long ol bikpela gol baia husat i gat intenesenel gol eksport laisens," em i tok.

NESENEL Palamen i bin holim wanpela Open De long Mande long dispela wik long helpim ol sumatin na arapela manmeri i save gut long wok bilong Palamen.

Ol sumatin bilong Pot Mosbi Nesenel HaiSkul wantaim arapela ol praimer skul i bin kam lukluk raun long dispela ekspo na open de long B Wing bilong Palamen Haus.

Ol wan wan divisen bilong Nesenel Palamen olsem Bills na Pepa, Laibri, Ketaring, Teknikel Sevis, Sekyuriti, Ripots, Palamentari Sevis na arapela divisen i bin kamapim dispela ekspo long larim ol yangpela sumatin, ol nius manmeri na ol arapela manmeri i luksave long wan wan wok ol i save long larim Nesenel Palamen i ran gut.

Ekting Klak bilong Nesenel Palamen, Kala Aufa, i tok Palamen em haus bilong ol manmeri na ol i mas save long wanem samting i wok long kamap long Palamen.

"Mipela i kamapim nupela program ol i kolim Open Palamen Projek. Dispela bai projek i larim Palamen Haus i op long larim ol

manmeri i kam raun na lukim ples, save long wanem samting ol memba o gavana bilong ol i mekim, na toktok wantaim ol lida bilong ol," Mista Aufa i tok.

Em i tok dispela em namba wan taim Palamen i kamapim Open De long larim pablik i luksave long wok bilong wan wan divisen.

Mista Aufa i tok taim Memba bilong Finshaffen, Theo Zurenuoc, i kamap Spika bilong Nesenel Palamen, planti nupela senis i bin kamap na wanpela senis em i dispela Open Palamen Projek.

"Ol pipel i save stap long we long Palamen. Nau ol pipel i stap klostu long Palamen. Mipela i kamapim ol nupela sevis long larim ol pipel i salim teks mesis i go long wan wan memba o gavana bilong ol.

"Long websait bilong Nesenel Palamen, i gat ol samting i stap long helpim ol manmeri i save gut tru long wanem samting i kamap long Palamen.

"Mipela i laik tok tenkyu long Yuropen Yunion (EU) i sapatim mipela long kamapim dispela nupela projek," Mista Aufa i tok.

## Gavman makim komiti long sekim NHC

PRAIM Minista Peter O'Neill i tok Gavman bai makim wanpela komiti long mekim ol wok painimaut i go insait long ol operesen bilong National Housing Corporation (NHC).

Mista O'Neill i tok NHC i wok long rausim ol man nating long haus, givim taitel bilong haus i go long ol man long laik bilong ol yet, na mekim planti pasin i no stret aninit long lo bilong NHC.

As bilong kamapim NHC em long kirapim nupela haus long larim ol manmer i gat gutpela haus na kamapim gutpela sindaun, tasol NHC i no kamapim dispela.

Mista O'Neill i stopm NHC long rausim ol manmeri husat i slip long haus bilong NHC, na em i laik makim dispela komiti long sekim asua i stap long husat.

Oposisen Lida Don Polye i tok dispela plen bilong Gavman long kamapim wok painimaut em i gutpela tru, na em bai helpim NHC long mekim wok stret.

Mista Polye i tok ol manmeri PNG i save gat bilip long NHC tasol nau sampela ol wok manmeri bilong NHC i wok long bagarapim nem bilong NHC.

Mista Polye i tok gavman i mas makim ol gutpela na stretpela man long kamapim dispela wok painimaut sapos ol i laik rausim pasin korapsen i stap long NHC.

"Planti manmeri bilong yumi i slip long ol setelmen. Ol i no gat gutpela haus. NHC i mas lukim dispela na mekim wok bilong em," Mista Polye i tok.



# PPP bai kamapim gutpela helta kea sistem: Sultan

Paul Zuvani i raitim



Dokta Amyrna Sultan

PASIFIK Intanesenel Haus sik (PIH) i laik yusim pablik praivet patnasip (PPP) program long dispela ol masin mipela i kisim ol save dokta long India i kam," Dokta Sultan i tok.

"Yu no inap long painim wanpela long dispela ol masin long wanpela haus sik long Papua Niugini, maski Pot Mosbi Jeneral Haus sik.

"Em i gutpela mipela i gat dispela ol masin long PIH. "Mipela i laik developim helt kea sistem we mipela i wok bung wantaim pablik sekta long bringim helt sevis i go long ol manmeri.

"Dispela tingting bai kamap tru wantaim pablik praivet patnasip (PPP) program. "Long nau mipela i patna wantaim ol visita bilong mipela tasol mipela i hop pablik sekta i bung wantaim mipela na skruim dispela sevis."

Dokta Sultan i tok inap long 20 sik manmeri i mas kisim helpim tasol bikos long hevi bilong mani foapela lain tasol i kisim operesen.

Long bekim het dokta bilong tripela ol dokta, Dokta Anil Jain i tok maski ol i kisim masin bilong ol yet long India i kam, em i amamas long lukim PIH i gat ol masin i gutpela na winim moa masin bilong planti ol haus sik em i bin go wok long em.

Em i hop wantaim tok orait bilong PIH ol i ting long kam long kantri bihain long olgeta tripela mun long wan wan yia.

Em i amamas na tok tenk yu long was na lukaut ol manmeri i givim ol.

Em i tok PIH nau i gat ol nupela opereting masin we wan-

Em i mekim dispela tok taim PIH i kisim ol namba wan lewa dokta bilong India long kam na karimaut hat operesen long Mosbi long dispela wik.

Dokta Sultan i tok PIH i mekim wanpela bikpela disisen long kamapim gen lewa opereting tieta (theatre) bihain long em i pasim olpela.

Em i tok ol i opim gen tieta bikos ol i lukim planti manmeri i tromei bikpela mani long go long narapela kantri long kisim helpim we ol inap kisim long kantri yet. Na sapos ol masin na speselis lewa dokta i stap dispela inap daunim kost moa long K100,000 i kam daun long K45,000.

Em i tok PIH nau i gat ol nupela opereting masin we wan-

Em i mekim dispela tok taim PIH i kisim ol namba wan lewa dokta bilong India long kam na karimaut hat operesen long Mosbi long dispela wik.

Dokta Sultan i tok PIH i mekim wanpela bikpela disisen long kamapim gen lewa opereting tieta (theatre) bihain long em i pasim olpela.

pela i ken painim long Australia o Singapore.

Long dispela wokabout foapela lain tasol i kisim operesen we nau ol i stap orait.

"Long traim dispela ol masin mipela i kisim ol save dokta long India i kam," Dokta Sultan i tok.

"Yu no inap long painim wanpela long dispela ol masin long wanpela haus sik long Papua Niugini, maski Pot Mosbi Jeneral Haus sik.

"Em i gutpela mipela i gat dispela ol masin long PIH.

"Mipela i laik developim helt kea sistem we mipela i wok bung wantaim pablik sekta long bringim helt sevis i go long ol manmeri.

"Dispela tingting bai kamap tru wantaim pablik praivet patnasip (PPP) program.

"Long nau mipela i patna wantaim ol visita bilong mipela tasol mipela i hop pablik sekta i bung wantaim mipela na skruim dispela sevis."

Dokta Sultan i tok inap long 20 sik manmeri i mas kisim helpim tasol bikos long hevi bilong mani foapela lain tasol i kisim operesen.

Long bekim het dokta bilong tripela ol dokta, Dokta Anil Jain i tok maski ol i kisim masin bilong ol yet long India i kam, em i amamas long lukim PIH i gat ol masin i gutpela na winim moa masin bilong planti ol haus sik em i bin go wok long em.

Em i hop wantaim tok orait bilong PIH ol i ting long kam long kantri bihain long olgeta tripela mun long wan wan yia.

Em i amamas na tok tenk yu long was na lukaut ol manmeri i givim ol.

Em i tok PIH nau i gat ol nupela opereting masin we wan-

Em i mekim dispela tok taim PIH i kisim ol namba wan lewa dokta bilong India long kam na karimaut hat operesen long Mosbi long dispela wik.

Dokta Sultan i tok PIH i mekim wanpela bikpela disisen long kamapim gen lewa opereting tieta (theatre) bihain long em i pasim olpela.

Em i tok ol i opim gen tieta bikos ol i lukim planti manmeri i tromei bikpela mani long go long narapela kantri long kisim helpim we ol inap kisim long kantri yet. Na sapos ol masin na speselis lewa dokta i stap dispela inap daunim kost moa long K100,000 i kam daun long K45,000.

Em i tok PIH nau i gat ol nupela opereting masin we wan-

Em i mekim dispela tok taim PIH i kisim ol namba wan lewa dokta bilong India long kam na karimaut hat operesen long Mosbi long dispela wik.

Dokta Sultan i tok PIH i mekim wanpela bikpela disisen long kamapim gen lewa opereting tieta (theatre) bihain long em i pasim olpela.

Em i tok ol i opim gen tieta bikos ol i lukim planti manmeri i tromei bikpela mani long go long narapela kantri long kisim helpim we ol inap kisim long kantri yet. Na sapos ol masin na speselis lewa dokta i stap dispela inap daunim kost moa long K100,000 i kam daun long K45,000.

Em i tok PIH nau i gat ol nupela opereting masin we wan-

# Seminari save skulim lida long GBV: Tisa

Paul Zuvani i raitim

**OL Luteran Seminari long Papua Niugini i save skulim ol pasta sumatin na sios lida long bikpela tok bilong jenda bes vailens (GBV), wanpela pas long Luteran seminari i tok.**

Ol tisa long Luteran Ogelberg Seminari long Westen Hailans i mekim dispela tok taim ol i bekim tok bilong Pasta Bomai Forenuka.

Pasto Forenuka long wanpela woksop long Hailans i tok em wantaim ol wan skul bilong em i no lainim skul bilong GBV long seminari na olsem

em i no inap skulim ol manmeri long dispela tok.

Tasol ol tisa i tok dispela tok i no tru na i daunim gut nem na wok sios i mekim.

"Bikos long bikpela tok i stap insait long jenda bes vailen, ol seminari i save skulim ol pasta sumatin na ol sios lida long dispela tok," ol i tok.

"Bomai i wanpela sumatin bilong dispela skul na i no ken paulim tok.

"Mipela i gat tripela Seminari long kantri na Ogelberg i wanpela bilong ol we Bomai i greduet."

Ol i tok Ogelberg Seminari i gat 5-ya program

we i gat Ol Testamen kos (Jenesis) na Nu Testamen kos (Rom/Galesia) we i save skulim ol tok bilong Kristen Marit, Kristen Famili Laip na Meri Tioloji.

Ol i tok maski dispela ol sabjek i no gat nem bilong jenda bes vailens tasol skul bilong ol i gat toktok bilong GBV.

Taim ol tisa i skulim ol sumatin ol i autim GBV tok tu.

Ol i askim Pasta Bomai sapos em i sek wantaim seminari karikulum bipo long em i toktok o no gat?

"Sapos Bomai i no save, bilong wanem na em i no lain?" ol tisa i skim.

"Mipela i askim em long

wok wantaim Evanjelisim Dipatmen bilong Seminari na kisim gutpela tingting.

"Mipela i askim Evanjelisim Kristen Marit, Kristen Famili Laip na Meri Tioloji. Ol i tok maski dispela ol sabjek i no gat nem bilong jenda bes vailens tasol skul bilong ol i gat toktok bilong GBV.

Taim ol tisa i skulim ol sumatin ol i autim GBV tok tu. Ol i askim Pasta Bomai sapos em i sek wantaim seminari karikulum bipo long em i toktok o no gat?

"Sapos Bomai i no save, bilong wanem na em i no lain?" ol tisa i skim. "Mipela i askim em long

wok wantaim Evanjelisim Dipatmen bilong Seminari na kisim gutpela tingting.

## Edukesen Dipatmen senia opisa pinisim sevis


TUPELA senia opisa bilong Dipatmen bilong Edukesen i lusim wok bilong pablik sevis bihain long 39 na 32 yia bilong wok bilong tupela long las wik Fonde.

Ol sevis bilong tupela long ol pipel bilong Papua Niugini long edukesen i kisim luksave long ol wokman na wokmeri bilong Edukesen Dipatmen.

Tupela opisa em, Godfrey Yerua bilong Jiwaka Provins na Joseph Logha bilong Wes Nu Briten Provins. Dispela tupela opisa i bin lusim tripela hap bilong wok laip bilong tupela wantaim Dipatmen. Tupela i statim wok bilong tupela olsem tisa i go long posisen tupela i holim nau olsem ol senia opisa we tupela holim inap long taim tupela i lusim wok o ritaia long las wik Fonde 20 Oktoba, 2016.

Godfrey Yerua i bin wanpela deputi seketeri bilong TVET na UNESCO na, Joseph Logha i bin stap olsem Fes Asisten Seketeri bilong Polisi na Risets Wing.

Tupela i statim wok bilong tupela olsem ol tisa nating long skul, na ol i go antap isi, isi long renk na fail i go inap ol i holim ol kain kain senia posisen. Long taim tupela i wok, tupela i bin stap olsem ol memba bilong ol wokman we i lukim planti bikpela senis i kamap long olgeta



Godfrey Yerua, pastaim Deputi Seketeri



Joseph Logha, pastaim Fes Asisten Seketeri

level bilong Nesenel Edukesen Sistem.

Long taim bilong tok gutbai pati, Mista Yerua i tok olsem laik bilong em i bin stap long kamap tisa na em i no wanpela rong disisen long kisim dispela wok bikos em i lainim planti samting na kisim moa save, skil na veliu insait long 39 yia sevis em i bin givim long Dipatmen bilong Edukesen.

Insait long ol dispela yia bilong sevis em i bin wok aninit long tripela ekting seketeri na 8-pela seketeri tru stat long yia 1977.

"Insait long ol 39 yia bi-

long mi wok wantaim dipatmen, mi bin kalapim 7-pela step long kamap long wanem posisen nau mi holim na mi lukim dispela olsem em i wanpela presen," Mista Yerua i tok.

Long wankain taim, Fes Asisten Seketeri, Joseph Logha em i bin papa long kamapim ol stratejik plen na wok bilong ol insait long dipatmen bilong Edukesen.

Wantaim lidasip bilong em dipatmen i bin kamapim ol gutpela polisi, risets na data analisis na em i plenim ol strateji long kamapim rot bilong mekim

ol senis we Nesenel Edukesen Sistem.

Sampela ol wanwok bilong tupela i bin tok amamas long tupela olsem tupela i bin gat gutpela pasin long wok wantaim ol.

Long tok tenkyu bilong Dipatmen, Seketeri Dokta Uke Kombra i makim maus bilong olgeta wokman bilong dipatmen, ol skul pikinini na pipel bilong Papua Niugini, i givim blesing bilong en long tupela na gutpela toktok bilong laip bilong tupela bihain long tupela bai lusim Nesenel Edukesen sistem.

# Wanpela pater Albania bai kamap Kardinel

## ...Stori bilong em i mekim Pope Francis kra

Stori i kam long CNA/EWTN News

**LONG** neks mun Novemba 19 taim sere-  
moni long makim ol 17  
nupela Kardinel i  
kamap long Vatiken,  
Rom, wanpela spesel  
man bai stap namel  
long ol.

Em Pater Ernest Troshani Simoni i gat 88 krismas bilong kantri Albania long Yurop.

Dispela pater i bin mekim Pope Francis i kra long yia 2014 taim em i bin wokim lukluk raun i go long hap.

Pater Ernest i wanpela long ol laspela se-  
vaiva long ol pater, ol  
sios woka na ol arapela  
Kristen we ol komyunis  
i bin wok long kilkilim ol  
long Albania.

Em i bin serim testi-  
moni bilong em wan-  
taim Pope Francis long  
2014 taim Pope i bin  
wokim wanpela de wok-  
about i go long Tirana,  
Albania. Na Pope Frain-  
cis i bin holim pasim



**2-Pope i kra long harim stori na holim pasim Pater Ernest.** Poto na stori: CNA/EWTN News

Pater Etrnest na kra  
taim em i harim stori bi-  
long em.

Stori bilong Pater Ernest em, long De-  
semba 1944 taim em i  
stap long semineri,  
komyunis gavman i no  
save bilip long Bikpela i  
bin kamap gavman long  
Albania.

Ol i bin laik stopim  
bilip na lotu na olsem,  
insait long 7-pela kris-  
mas, ol i bin holim  
pasim na kalabusim,

bagarapim na kilim dai  
ol pater, ol kleji na ol lei  
bilip manmeri insait  
long kantri.

Taim ol i wok long  
sutim ol wantaim gan,  
sampela i bin singaut  
olsem "Long live Christ  
the King,"

Long 1948, ol komyu-  
nis i bin kilim dai ol  
boslain bilong Pater  
Ernest, em ol Frances-  
can supiria. Tasol em i  
hait na pinisim skul na  
kamap pater.

Foapela krismas bi-  
hain, ol komyunis lida i  
bin bungim ol pater  
husat i stap laip yet na  
tokim olsem ol bai givim  
ol fridom sapos ol i tok  
ol i nonap luksave long  
Pop na Vatiken. Tasol  
Pater Ernest na ol brata  
pater i tok nogat long ol.

Long Desemba 14,  
1963 taim Pater Ernest i  
wok long pinisim Kris-  
mas lotu, 4-pela opisa i  
bin sevim em ares  
waren long kilim em. Ol  
i bin pasim ol han bilong  
em na holim pasim em  
na kwestenim em na  
tokim em olsem ol bai  
kilim em dai bikos em i  
birua long wanem, em i  
tokim pipel olsem  
"sapos olsem wanem,  
bai yumi olgeta i dai  
long Jisas."

Em i bin karim bikpela  
pen long han bilong ol  
komyunis,"tasol Bikpela  
i laikim mi long stap laip.  
Bikpela i no bin laikim  
bai ol i kilim mi dai kwik-  
taim, na ol i bin kisim  
narapela kalabus man  
husat i gutpela poroman

bilong mi, long spai long  
mi.

"Tasol mi tok Jisas i  
skulim yumi long laikim  
ol birua bilong yumi na  
pogivim ol na painim  
gutpela samting long ol.  
Dikteta i bin harim ol  
dispela toktok na sam-  
pela de bihain, em i  
larim Pater Ernest i  
rausim tok long kilim em  
i dai na putim em long  
panismen long mekim  
bikpela wok (hard  
labour) insait long 28  
krismas. Long dispela  
taim, em i hait na i save  
wokim lotu, harim kon-  
pesio na givim yukaris.

Bihain tasol komyunis  
gavman i pundaun,  
kantri i kisim bek gen  
fridom bilong rilijen na  
ol i larim Pater Ernest i  
go fri.

"Bikpela i bin helpim  
mi long sevim planti  
pipel na tu, long kari-  
maut pasin bilong  
kamapim wanbel, long  
rausim pasin bilong no  
laikim narapela long ol  
man," Pater Ernest i bin  
tok.



## Bilong wanem singaut strong?

WANPELA de, Santu Mother Teresa bi-  
long Kalkata i wasim sampela pikinini  
i nogat papa mama long ol arere bilong  
bikpela wara ol i kolim Wara Gangga long  
India. Em i lukim wanpela man na meri (tu-  
pela marit) i kros na bikmaus long wanpela  
narapela. Ol i singaut strong na bikpela  
tru.

Santu Mother Teresa i tanim na askim  
sumatin bilong em: "Bilong wanem taim  
manmeri i kros ol i save bikmaus na sin-  
gaut strong?"

Wanpela sumatin i bekim; "sapos yumi  
belhat tru na nogat pesens moa, yumi  
save bikmaus, na singaut strong".

Santu Mother Teresa i tokim em: "Bilong  
wanem yu mas singaut strong? Man i no  
stap long we. Em i stap klostu long yu ya?  
Yu inap long salim toksave bilong yu i go  
long en isi isi tasol. Em i bai harim tok save  
bilong yu ya!"

Na ol sumatin bilong em i toktok namel  
long ol yet. Tasol bekim bilong ol i no inap  
karim wanpela gutpela kaikai.

Bihain, Santu Mother Teresa i tok: "Taim  
tupela i kros, bel bilong ol i stap long we  
tru long wanpela narapela. Olsem na ol i  
mas singaut strong bai ol pren bilong ol i  
nap long harim. Taim kros bilong ol i  
kamap bikpela, ol i bai singaut strong moa-  
moa yet, bikos distens bilong tupela bel i  
kamap longwe moa moa yet".

Na em i tok moa: "Wanem samting i  
kamap sapos tupela i laikim wanpela nara-  
pela? Tasim ol i toktok, ol i no singaut  
strong o bikmaus long wanpela narapela.  
Ol i bai toktok isi tasol. Bikos tupela bel bi-  
long ol i stap klostu tru. Nogat wanpela  
samting i seperetim bel bilong tupela na  
tupela bel bilong ol i stap klostu tru".

Em i sarap liklik na reflektim wanem  
samting em i autim pinis na i tok moa:  
"Sapos laikim bilong ol i kamap strong  
moa moa yet, wanem samting bai  
kamap?"

Tupela bai i no toktok moa. Tupela bait  
ok isi isi tasol na holimpas strongpela tru.  
Na bihain, ol i no inap toktok isi moa.

Tupela bai lukluk tasol long wanrapela  
narapela.

Bel bilong tupela lгат strongpela laikim  
pasin i bosim ol, tupelo bai i stap klostu  
tru".

Lukluk strong long sumatin bilong em,  
Santu Mother Teresa i tokim ol: "Sapos yu-  
pela i kros, noken larim bel bilong yu i stap  
longpela long narapela narapela. Noken  
tokaut long sampela toktok i mekim bel bi-  
long yutupela i kamap longpela moa moa  
yet.

Bikos, sapos yu larim bel bilong yu i stap  
long we long brata o susa bilong yu...  
..wanpela de bai yu no inap go na kamap  
moa...bikos em i stap long we tumas  
pinis..."

## Wokbung bai stap yet namel long Briten na Vatiken

WOK bung na wok  
pren namel long  
Vatiken na Briten bai  
no inap senis, maski  
Briten i lusim  
Yuropien Yunien,  
Nigel Baker, em Em-  
baseda bilong Yu-

naitet Kingdom long  
Vatiken i tok.  
Em i tok mask i gat  
ol toktok i kam long  
Vatiken olsem, na  
Pope Francis i tok  
Brexite i soim olsem  
Yurop i mas painim  
nupela yunien bikos

bungim hevi na i  
moabeta long Briten  
i stap wantaim EU,  
disisen long Briten  
Pope Francis i tok  
Brexite i soim olsem  
Yurop i mas painim  
nupela yunien bikos

sampela samting i  
no mas stret na  
Briten i lusim EU.  
Tasol em mi tok em i  
laik bilong ol pipel  
long Briten yet i  
Brexite long EU.

## Katolik na Lutheran hetman i bung long Vatiken

LONG dispela wik, hetman  
bilong Katolik Sios long wol,  
Pope Francis i bin bung wan-  
taim hetman bilong Lutheran  
Sios long Gemeni na delege-  
sen o ol lain bilong em.  
Delegesen i bin go long  
Vatiken olsem ol pilgrim, na

klostu long tupela sios i  
makim 500 yia long bruk lus  
na Martin Luta i bin kirapim  
Lutheran sios. Long wankain  
taim tu, las wik i bin lukim  
Pope Francis i bung wantaim  
hetman bilong Angliken Sios  
long Vatiken. Katolik na

Lutheran Sios i laik strongim  
wok bung bilong ol long ol  
eria olsem woik marimari,  
sevis i go long ol tarangu, ol  
siklain, na ol refuji husat i  
lusim asples bilong ol na  
bungim hevi long painim  
narapela seif ples.

# Ol Sande skul tisa i mekim salens

### Sanang Zazoring i raitim

SALENS i bin go long ol  
Sande skul tisa greduet  
long yusim ol Tok i stap  
long Buk Tambu (Baibel)  
long stiaim ol pikinini-  
long spirituel sait bilong ol.

Salens i bin kam long  
Reveren Gembube bi-  
long Evanjelisim Dipat-  
men wantaim ELC-PNG i  
bin go pas long ranim tu-  
pela woksop bilong ol  
Sande skul tisa, long Lae

siti.  
Samting olsem 40  
Sande skul tisa i bin pin-  
isim tupela wik kos na  
greduet long las wik.

Greduesen i bin  
kamap long Busu  
Lutheran Sios Peris long  
Lae, Morobe provins.

Reveren Gembube bi-  
long Evanjelisim Dipat-  
men wantaim ELC-PNG i  
bin go pas long ranim tu-  
pela woksop.

Ol lain i bin sindaun  
long kos i bin kam long

Wampai Lutheran Sios  
seket na tu, Lae siti seket  
na planti em ol meri.

Wanpela sios sevis i  
bin kamap pastaim long  
greduesen we mesej bi-  
long Timothy 14-4:5 i  
bin kamap olsem stia bi-  
long kos we ol lain i bin  
greduet i bin harim  
olsem olgeta risos na  
save i kam long Bikpela  
we i stap long Buk  
Baibel.

Reveren Gembube i  
strongim toktok olsem

Sande skul em i bikpela  
samting bikos ol tisa i  
lainim ol pikinini long  
Tok bilong God na ol  
gutpela pasin long stiaim  
laip bilong ol taim ol i lik-  
lik yet.

Em i bin tok planti hevi  
i wok long kamap insait  
long sosaiti long sait bi-  
long ol bikhet pasin,  
kisim ol drag pait namel  
long ol skul sumatin na  
kraim em bikos ol  
pikinini i no lainim Tok  
bilong Bikpela na gut-

pela pasin taim ol i liklik  
yet.

Em i bin skruim tok  
olsem sios i no inap gro-  
gut sapos i no gat Sande  
skul na givim eksampel  
bilong Lutheran sios long  
kantri Tanzania long  
Afrika we ol pasto, ol  
tiolojen na ol bikpela  
save lain i save skulim ol  
Sande skul pikinini bikos  
ol i lukim olsem ol  
pikinini i gat bikpela ples  
long Kingdom bilong  
God.

## Skelim na glasim gut na vot

### I kam long Zenit Nius, Vatiken

TAIM nesene ileksen long Amerika  
i kam klostu nau, Konpres bilong ol  
Katolk Bisop bilong Amerika i wokim  
wanpela stetmen i go aut long ol Ka-  
tolik pipel long kantri long tingting  
gut, glasim na skelim samting we ol  
papa bilong mama lo long Amerika i  
bin kamapim na dispela em long  
"fridom bilong rilijen " we ol wan  
wan rilijen na ol memba bilong ol i  
gat rait na fridom long makim lida  
long laik na bilip biong ol.

# Gutpela sans bilong pipel i luksave long wok bilong Palamen

NESENEL Palamen i bung gen long las miting bilong en long dispela yia. Bikpela kaikai i mas kamap long dispela bung long Novemba em 2017 baset bilong kantri. Em i las baset bilong dispela gavman bipo long nupela ileksen i kamap neks yia.

Tasol i gat wanpela gutpela samting tu i kamap long Palamen long dispela wik. I bin gat wanpela Open De program bilong Palamen i kamap long Mande.

Opis bilong Spika na ol wokmanmeri bilong Palamen i opim dua long ol pablik i ken lukluk raun na harim stori bilong wanem kain wok i save kamap long palamen. Planti ol skul i bin salim ol sumatin i go long dispela program long kisim moa save long wok bilong Palamen.

Em i gutpela program bikos planti pipel i no klia long wanem samting i save kamap long Palamen. Oltaim ol i harim nius, o ritim long pepa o lukim long televisen ol memba i sanap tok tok insait long Palamen. Ol i no save long ol narapela wok bilong Palamen.

Namba wan program Opis bilong Spika i bin kamapim long givimaut tok save long wan wan memba bilong Palamen, i bin opim dua long ol arapela in-



fomesen tu i go aut long ol pablik. Na long dispela wik, em i namba wan taim tru long ol i larim ol pablik i kam insait lukluk raun na kisim tok save. Dispela pasin i ken strongim demokresi na i mekim ol pipel i luksave

olsem Palamen em i haus bilong ol, we ol gutpela samting bilong lukautim sindaun bilong kantri i save kamap.

Palamen em i ples we ol memba bilong yumi i bung long toktok long ol hevi na ol gutpela

samting tu i kamap long kantri. Em i ples we ol i save wokim ol lo bilong kantri.

Tasol Palamen i gat planti ol arapela stori bilong en tu. Insait long haus Palamen i gat ol kain kain samting i soim histori bi-

long kantri i stap. I gat ol stori bilong husat ol manmeri i namba wan memba.

I gat wanpela impoten laibreri i stap we ol rekot bilong ol kibung bilong Palamen wantaim ol arapela ripot i stap. I gat ples we ol tanimtok i save wok long taim ol memba i bung na paitim toktok.

Planti ol wokman na meri long Palamen i sevis long wok bilong ol. Ol tu i gat stori bilong ol na ol pablik bai laik harim stori bilong ol tu.

Olsem na dispela sans long in-vaitim ol pablik i go lukim Palamen em i gutpela sans tu long bungim ol na harim stori bilong ol.

Yumi hop dispela program bai i kamap long olgeta yia i kam bi-hain na bai inap pulim planti moa ol skul sumatin na ol yangpela manmeri wantaim ol papamama tu.

Long taim Palamen i givimaut moa infomesen long ol wok bilong en, bai ol pipel i klia long impoten wok bilong demokresi insait long kantri bilong yumi.

Yumi mekim olsem bai yumi strongim na kirapim tingting bilong ol pipel long makim ol gutpela lida i go insait long Palamen na kamap ol mausman na meri bilong yumi.

## Taim laip i hat, God i laikim foapela samting

MIPELA olgeta long sampela taim i bungim taim nogut.

No gat save, no gat rot na paul long wanem samting moa mipela bai mekim long kamap gut.

Yes, em i tru mipela i bin pilim olsem.

Tasol sapos yumi Kristen, yumi save God i mekim yumi na em i save long olgeta laik bilong yumi.

Skelim Tingting i laik stori liklik long wanpela lapun meri husat man bilong em i dai na em yet i lukautim foapela pikinini bilong em.

Dispela meri no gat planti samting tasol i save mekim liklik maket long sapotim famili bilong em.

Wanpela taim em i no gat inap samting na i no inap long mekim maket. No gat mani long baim kaikai na ol arapela relativ o poroman i no helpim em.

Em wantaim ol pikinini i no kaikai tupela de olgeta na ol i



hangre.

Em i no save wanem samting em bai mekim bai em i ken kisim kaikai.

Em i tingting i stap na wanpela meri bilong narapela ples i kamap long em. Em i no save dispela meri. Dispela meri i tok gut de long em.

Tupela i toktok liklik na meri i lukim long mama na i tokim em olsem em i save mama i hangre.

Mama i sem long harim na i smail tasol long meri ya.

Tasol meri i no wari, em i tokim mama olsem em i no ken sem. Meri i tokim mama olsem em i save mama i

hangre na em i no ken sem long tokaut.

Mama i harim olsem na em tokim meri olsem em i tru, em wantaim pikinini bilong em i no bin kaikai.

Long dispela meri i tokim mama olsem em i gat sampela mani na em baim kaikai bilong mama wantaim ol pikinini.

Mama i harim na em i amamas. Mama i askim meri em bilong we na meri i kolim nem bilong ples bilong em.

Dispela meri i baim kaikai na i go bek long hap we em i kam long em.

Mama i laik lukim meri gen na tok tenkyu em tasol i no gat.

Dispela em sotpela stori tasol long soim olsem kain sindaun yumi save gat long em.

Planti taim mipela bungim hevi mipela ting no gat moa helpim tasol Bikpela husat i mekim mipela i save long ol-

geta wokabaut na sindaun bilong mipela.

Long dispela taim God i laikim foapela samting:

Namba wan samting em Trast. Mipela mas trastim em. Long buk bilong Gutpela Tingting (Proverb) 3: 5-6 - Em i tok mipela mas trastim God wantaim olgeta lewa na tingting bilong mipela na i no bilip long strong bilong mipela.

Namba tu samting God laikim em long 1 Tesalonika 6: 16 - 18, maski wanem kain stap o sindaun i kamap manmeri mas oltaim litimapim nem bilong God.

Namba tri samting i tok long wok yumi save mekim. Mipela i mas save mipela i kisim strong long God, Rom 8:28

Namba foa i tok i stap long Jeremiah 29:11- we tok i gat sisen bilong olgeta samting. I gat taim bilong amamas na i gat taim bilong pen. Olgeta samting i kamap long plen bi-

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: [editorial@wantokniuspepa.com](mailto:editorial@wantokniuspepa.com)

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

# Namba 14 Greduesen kamap long Don Bosco Henderson

**Deborah Saru- Midia klap**

**LONG Fraide 14 Oktoba 2016, Don Bosco Henderson long Solomon Ailan i lukim 107 sumatin i greduet long 7-pela tred o eria long DBTI.**

Twenti narapela sumatin bai greduet bihain pastaim long dispela yia i pinis, taim ol i inapim olgeta hap bilong trening long wokples.

Ol tred spesel skul em: Atomotiv, Konstraksen, Ilektrikol, Masin Fiting na Mentenens, Laip Skil, Infomesen Komputa Teknoloji na Febrikesen-Welding. Bikpela toktok ol i bin makim bilong dispela greduesen em "Keep your head held high".

Ol i statim de long moning taim

wantaim tenkyu lotu we ol greduet sumatin i redim wantaim helpim bilong Asbisop Chris Cardone op, Asbisop bilong Honiara. N Asbisop Emeritus Adrian Smith sm i selebretim misa wantaim Asbisop na 7-pela narapela pater.

Ol skul sumatin i bung wantaim ol lain i greduet na singim song long lotu. Asbishop, i toktok long ol wok we DBTI i mekim long helpim ol yangpela lain long kamap ol gutpela Kristen na trupela sitisen, na long redim ol sumatin, wantaim save bilong wok long redim ol long go insait long industri na bisnis.

Ol sumatin bilong greduet i mas kam insait taim ol i pilai isi musik, na baksait long ol em ol

lida bilong skul wantaim nesanel plak na skul plak.

Bihain long ol i kam insait ol i singim Nesanel na Skul entem (song) we Dickson Ramo na Lydia Maeitorana i go pas long singim. Prinsipal bilong institut, Pater Srimal, i givim ol kendidet i go long Skul Rekta, Rekta Pater Dominic husat i mekim luksave long ol olsem ol trupela greduet sumatin bilong yia 2016.

Pater Dominic, i toktok long ol salens we ol greduet sumatin bai bungim tupela yia bilong ol long skul na wanpela yia long industri. Em i tokaut tu long ol bikpela samting we i bin kamap long dispela

akademik yia.

"Long ol dispela kain de olsem, DBTI i save putim het i go antap," em i tok.

Em i makim tok bilong Santu Paul long Baibel olsem; "Yupela i givim mipela bel amamas".

Ol sumatin i wet longpela taim long kisim setifiket na ol i bel amamas na aiwara long taim ol i kisim ol setifiket bilong ol antap long stes.

Long namba wan taim ol DBTI sumatin i putim klos bilong gre-

duet we ol Laip Skill Dipatmen yet long skul i bin samapim.

Ol seken yia sumatin na EOSDT (Emploimen Oriented Skills Development Treening) sumatin husat i pinisim SALT (Seven Lidasip Treening) i kisim Setifiket bilong pinisim skul dispela de.

Moses Tahitorea husat i makim ol greduet sumatin i bin wokim las toktok na pinsim seremoni wantaim song bilong Bruno Mars, "Today my life begins" .



Antap long stes Moses Tahitorea i mekim las toktok makim ol greduet sumatin. (L - R) Thomas Kevaro (Mast ov Seremoni), Tommie Angau (Deputi H.C. PNG), James Bosamata (MEHRD), Asbisop Chris Cardone, H.E. David Ward (Britis Hai Komisina), Michael Hassett, Deputi H.C. Australia), Calvin Yen (Deputi ambaseda, Taiwan)



Ol ilektrikol sumatin bingim ol piksa presen.



Ol greduet sumatin i sanap wantaim ol bikpela lain husat i kam lukim greduesen



Deborah Saru, wanpela greduet sumatin i kisim ol poto.



Ol laip skil sumatin bringim ol presen long ofa prosesio.

# Trupela model fama bilong Sumgilbar

James G. Kila i raitim

**ROBERT Batalo bilong ples Karkum long Sumgilbar Lokal Level Gavman insait long Sumkar Distrik bilong Madang em i wan-pela trupela model fama long Sumkar distrik na ating Madang provins tu wantaim.**

Em i soim stret trupela kala bilong wok egrikalsa na model fama we planti taim i save opim ai bilong pablik manmeri husat save ran i go i kam long PMV kar long Madang-Bogia rot. Em i gat wan-pela haus maket bilong em yet i stap arere tasol long rot we gaden bilong em i stap.

“Mani stap long graun, sapos yu givim moa taim na yusim save bilong yu long wok na amamas long wanem samting yu mekim,” Robert i tok.

Dispela papa bilong Karkum viles, i save wok na slip, kirap insait long gaden bilong em. Dispela egrikalsa gaden bilong em save kisim olgeta taim bilong em olgeta de.

Sapos yu nupela man i go long eria bilong Robert Batalo, bai yu aigris tru long ol kain kain gaden kaikai na kumu sayor em i planim long lain o plot long gaden bilong em. Em i planim rais long wanpela sait, Afrika yam, painapel, popo,

banana, taro, kaukau, pinat na ol kumu sayor long lain long wan, wan plot long gaden.

Dispela papa fama ya i wokim gaden haus we em wantaim meri bilong em, Dawas na ol bubu bilong em i save stap na lukautim gaden olgeta de olsem 24 aua insait long 7-pela de long wik.

Wantok Niuspepa i bin bungim dispela model fama long Karkum viles, na em i tokaut olsem em i stat pastaim tru long planim rais. Em i groim rais bihain long em i lukim wanpela dokumenteri long Televisen (TV) olsem rais i ken gro gut long PNG na ol fama i ken kaikai bihain taim ol i milim. Dispela dokumenteri long TV i pulim stret tingting bilong papa Robert, na taim em i go bek long ples em i no westim taim.

Em i go het na kisim sampela sit na mekim neseri bilong em long liklik blok bilong em arere long Madang-Bogia rot long ples Karkum na planim rais long hap. Long dispela taim bihain long em i planim, Robert i save givim moa taim bilong em long lukautim gut rais. Meri bilong em, mama Dawas i save sapotim em na tupela i save wok long gaden olgeta de.

“Namba wan taim mipela i pikim rais long gaden, em mipela i karim i go milim na kamap wantaim 40

kilogram rais olgeta. Dispela em mipela famili i kaikai long testim na kisim pilim bilong lokal rais,” Robert i tok.

Bihain long sampela mun, Robert i groim ol arapela gaden kaikai long givim gris bilong graun. Taim em i rausim rais, em i planim pinat na ol bin long eria we rais i gro pastaim. Dispela pasin Robert i mekim i bihainim pasin na sistem bilong egrikalsa em ol saveman o saintis save kolim ‘krop rotesin’.

Wanpela narakain eksperimen o traime Robert i mekim tu i karim gutpela kaikai. Em i groim raun kabis bilong hailans long nambis ples, we i stap klostu tasol long solwara, tasol dispela raun-kapis i gro gut. Sapos yu egrikalsa saintis o husat saveman, ating dispela model fama bilong Karkum i ken givim moa tingting na opim kru bilong yu stret, bikos em i no go long egrikalsa skul, tasol ol kaikai em groim i kamap nais tru. Em i no save yusim fetilaisa o marasin. Olgeta samting em ogenik, na em save yusim malsing o stail bilong em yet long givim gris long graun wantaim tu krop rotesin.

Pastaim, Robert i bin wok long ol bikpela indastriwl kampani long Lae, Morobe provins na em i save laikim tru long ritim niuspepa. Olgeta wik Fonde, em i save baim

The National na Post Courier na save i ridim ol stori long ‘Farming Today’ na ‘Rural Industry’ pes na dispela save givim em moa in-fomesin long strongim egrikalsa faming bilong em long ples.

Robert em trupela man long kisim tu ol nupela krop na groim na kamapim sit na kamapim moa krop. Wanpela gutpela eksampel em Afrika yam. Robert i kisim wanpela sit em wanpela wanwok meri bilong pikinini meri bilong em i givim em long Finschafen. Em i karim i go na katim katim na groim na bihain em i kisim ol sid gen na groim na kamapim 52 sid Afriken yam olgeta.

“Mi amamas long groim Afriken yam bikos, sit bilong em o nupela kru i save kamap insait long graun yet, na yu ken kamautim na go planim long arapela eria gen,” Robert i tok.

“Planti taim mi save toktok long ol lain bilong mi long Karkum long planim rais na lukautim na milim na kaikai, tasol ol manmeri no save harim tok. Ol i save laik go long taun na westim mani long baim rais long stua tasol,” Robert i tok.

Robert i tokaut olsem em i laikim egrikalsa gaden bilong em long Karkum i kamap olsem trening eria o piksa long ol arapela rurel plesman long wokim. Tasol planti taim ol yangpela manmeri

save laik karim bus naip na go long bus na katim banana na digim tasol kongkong na go bek long ples na wetim banana na kongkong long redi bihain long sampela mun. Ol lain no save wok hat, ol i save les tumas na sindaun nating na kaikai buai na tok baksait na stori nating.

Planti ol bikman bilong Madang Dipatmen ov egrikalsa na Laipstok (DAL) i bin go stop long haus maket bilong Robert na givim tok amamas long gutpela wok em i wokim. Ol lain bilong Japanis Intanesenel Koporesin Ejensi (JICA) tu i bin stop na lukim rais gaden bilong em na givim em gutpela tok-tok.

Memba bilong Sumkar, Ken Fairweather, wanpela taim i bin go stop long haus maket bilong Robert na baim ol naispela bikpela popo. Long dispela taim Robert no bin stap. Meri bilong em Dawas tasol i stap, na MP Fairweather i tromoi K50 na baim sampela popo na tok olsem olgeta koins mas pinis long olgeta kain samting i stap long hap.

Ol arapela bikman na ol saveman olsem ol dokta na ol dairekta tu i save go stop na baim kaikai na kumu na save aigris na mekim gutpela ol toktok long sapotim naispela wok bilong Robert Batalo long Karkum viles.



**PORT MORESBY NETWORK PLANNED LOAD SHEDDING SCHEDULE**  
EFFECTIVE DATE: Thursday 27/10/16 and Friday 28/10/16.

Substations	Fdr	Areas Affected	Time
Waigani	2	PNGIPA to Holiday Inn along Waigani Dr, Laguna Hotel, Rifle Range, Tokarara, Ensisi Valley, Waigani Heights, Lamana Hotel, City Hall, Sir John Guise Stadium.	9am - 11am
Waigani	3	PTC Housing waigani, Mokoraha Pune, National Development Bank, NBC Wardstrip, Telikom Haus, Tisa, Central Government Centre, Waigani Shopping Centre.	11am - 1pm
Waigani	2	PNGIPA to Holiday Inn along Waigani Dr, Laguna Hotel, Rifle Range, Tokarara, Ensisi Valley, Waigani Heights, Lamana Hotel, City Hall, Sir John Guise Stadium	1pm - 3pm
Waigani	3	PTC Housing waigani, Mokoraha Pune, National Development Bank, NBC Wardstrip, Telikom Haus, Tisa, Central Government Centre, Waigani Shopping Centre.	3pm - 5pm
Waigani	3	PTC Housing waigani, Mokoraha Pune, National Development Bank, NBC Wardstrip, Telikom Haus, Tisa, Central Government Centre, Waigani Shopping Centre.	9am - 11am
Waigani	2	PNGIPA to Holiday Inn along Waigani Dr, Laguna Hotel, Rifle Range, Tokarara, Ensisi Valley, Waigani Heights, Lamana Hotel, City Hall, Sir John Guise Stadium (Indoor).	11am - 1pm
Waigani	3	PTC Housing waigani, Mokoraha Pune, National Development Bank, NBC Wardstrip, Telikom Haus, Tisa, Central Government Centre, Waigani Shopping Centre.	1pm - 3pm
Waigani	2	PNGIPA to Holiday Inn along Waigani Dr, Laguna Hotel, Rifle Range, Tokarara, Ensisi Valley, Waigani Heights, Lamana Hotel, City Hall, Sir John Guise Stadium (Indoor).	3pm - 5pm

**This schedule is provided as a guide only and may be altered without any notice should there be a generation shortfall beyond our control. Customers with Gensets are encouraged to run their gensets during this period to avoid any inconveniences. PPL sincerely apologises for the inconvenience caused.**



Meri bilong em Dawas helpim long klinim rais long gaden haus.



Robert groim 1800 painap. Ol foto: James G. Kila

Toro



Biabia



Kanage



Teks i kam long 71845906

Dia Edita, mi man bilong baim Wantok Niuspepa olgeta wik long wanem, mi no nap ritim Inglis Niuspepa. Mi man bilong Tok Pisin tasol. Wanpela bikpela wari mi gat long en em Tok Pisin na Motu nius long olgeta 6 klok na 9 klok. Mi laik harim na mi save wet i stap na nogat, ol i ritim nius tasol long Inglis na mi no inap long save ol i toktok long wanem, olsem na mi autim wari bilong mi. i no mi tasol, yu husat save gat wari olsem mi, yu ken rait i kam long Wantok Nius na sapot, em tasol na tenkyu.

Wapu MK Pot Mosbi, NCD

Dia Edita, Long lukluk bilong planti, i luk olsem ol lain i kam long wanpela rijon i wok long bagarapim kapitel sitim bilong yumi, Mosbi siti, wantaim ol pipia na mi wari long dispel na autim tingting bilong mi. Pipia bilong buai na buai spet buai i bagarapim tru Pot Mosbi siti, moa yet ol pablik ples olsem ol bas stop, ol fran bilong ol stua na ol arapela hap moa olsem Gordons maket na bas stop. Mi lukim ol lain i no rispektim olsem Mosbi em i bikpela siti bilong kantri. Yu ken lukim klia wan olsem i no ol nambis manmeri i mekim. Em ol hailans lain i bagarapim siti. Ol polis man meri bilong yumi i hatwok tru na ol i ranim ol i go, na long narapela sait ol kam bek ken olsem blu lang na ol givim het pen tru long ol gutpela polis manmeri bilong yumi long dispela siti. Olsem na mi laik tok olsem, ol dispela kain lain i bagarapim nem bilong planti ol gutpela manmeri bilong hailans i stap. I gat 7-pela provins long hailans na wanem provins tru i wok long bagarapim siti stap, orait, ilektet memba na provinsal gavana i mas bungim ol na kisim ol i go long ples bilong ol. Mekim olsem na yumi bai lukim siti i stap gut. Em tasol na yu husat laik sapot o egansim mi, rait i kam long Wantok Nius. Tenkyu...

Wilson, Pom NCD



ASBISOP bilong Honiara, Chris Cardone op. wantaim Asbisop Emeritus Adrian Smith sm. na ol narapela pater i selebretim misa bilong greduesen seremoni bilong Don Bosco Teknikal Institut long Honiara. Hia ol sumatin na ol kongrigesen i singim bikpela AMEN! Foto: DBTI Henderson

# STORI BILONG TUMBUNA

## YU NO KEN SAKIM TOK BILONG DOK

Long wanpela ples i gat tupela brata, na wanpela meri. Meri em i susa bilong tupela. Na tripela ol i save stap long wanpela haus tasol. Na ol i stap.

Nau wanpela taim namba wan brata i tok, mi laik go painim kapul long bus. Em i kisim spia banara, na pulimapim kaukau, long bilum na em i redi long i go long bus.

Orait, em i wokabaut i go na tudak i kamap, em i putim bilum kaukau long wanpela liklik haus, na em i go painim kapul long bus. Na gutpela mun lait na em i go. Nau em i lukim tripela kapul na i kisim i kam long haus.

Long haus em i rausim bel bilong kapul na bihain em i rausim pekpek bilong kapul na em i kaikai bel bilong kapul na em i slip i stap. Na moningtaim em i kisim rop bilong bus na pasim tripela wantaim na karim i go long ples. Na namba tu brata na susa bilong em tupela i stap, na bihain ol i mumuim dispela kapul na ol i kaikai.

Na sampela mun i go pinis, namba wan brata i tok, mi laik i go



long bus. Na wan wik samting bai mi stap long bus. Na bihain bai mi kam bek. Em i tokim tupela olsem na redim ol samting bilong kilim kapul. Na pulimapim kaukau long bilum. Na em i slip i stap. Long

moning, em i kisim ol samting bilong em na i go. Orait, em i wokabaut i go, i go em i go long dispela maunten.

Em i sindaun long maunten, na wokim smok na i kisim win liklik na

em i sindaun i stap, na em i lukluk i go long ol bus na em i lukim wanpela smok i kamap namel long bus. Na em i tingting long em i laik i go lukim dispela smok, na smok i pinis, orait, em i go i go, na em i harim wanpela dok i kraai. Em i go na em i lukim wanpela dok i putim lip kapiak long maus bilong em na em i kraai i stap, orait boi i go kamap na dok i tok yu kam mekim wanem long hia? Dok i tok, Yu inap helpim mi? Orait, em i kisim lip kapiak, ol kain kain samting bilong mumuim pik, na em i go insait long haus na i kisim bikpela pik i kam ausait.

Na boi i lukluk i stap na em i kisim bikpela stik bipo em save kilim pik long en. Em i kisim dispela stik na kilim pik na bihain kukim gras bilong pik. Kukim pinis katim pik na tupela mumuim na hap liklik mumuim long arapela hap. Ol sait na het bilong pik ol mumuim long hap.

Na bihain tupela i rausim pik na dok em i go kisim het bilong pik tasol. Olgeta pik em i givim long dispela boi. Na dok i tok yu karim olgeta pik i go. Em tok olsem long boi na dok i givim wanpela karamap long boi. Na dok i tok:

Yu opim dispela karamap long maunten bipo yu sindaun long en, na boi em i go. Em wokabaut i go i go kamap long dispela maunten na em i kisim dispela liklik karamap dok igivim long en. Em i kisim na opim dispela karamap na boi em i go sanap long dua bilong haus bilong en.

Nau namba tu brata na susa tupela i stap. Na tupela i tok, yu tok long yu go kilim kapul, tasol husat i givim dispela pik na yu karim i kam? Em i tok em wanpela wantok i givim. Nau namba tu brata i tok, i tok, "Yu go na mi stap long haus oltaim. Orait nau mi laik go lukim dispela wantok."

Na bik brata i tok, "Nogat! Na brata bilong em i kros na i no kaikai pik. Orait, namba wan brata i tok, orait yu ken i go tumora na yu ken redim ol samting nau bai mi amamas na kaikai pik.

Bihain ol i slip na moningtaim

em i redim ol samting pinis, na brata bilong em i tok: Yu no ken mekim arapela samting. Yu mas mekim olsem dok i tok. Yu mas bihainim maus bilong em. Orait, em i go, i go na kamap long maunten na em i lukim smok i kamap na em i go kamap long ples smok i kamap long en. Na dok i kraai i stap holim wanpela lip kapiak na ol arapela samting bilong kilim pik. Na boi ya i tok: Yu kisim ol samting na yu sanap tasol olsem plisman. Na em i kisim stik na paitim dok nogut tru. Na dok i ting, bipo i no save mekim olsem. Tasol yu kam na paitim mi nogut tru. Dok i ting olsem, em yet i kisim pik long haus na brukim het bilong pik. Na dok i kraai i stap.

Na boi i tokim dok long rausim gras bilong pik na em i tromoi lek bilong em na lek i paia olgeta, na pes bilong em tu i paia. Na em i no tanim pik na boi i kilim nogut tru na dok i sindaun kraai i stap.

Na em yet i mumuim pik, na bihain em i rausim na karim olgeta pik i go na em i kamap long haus na namba wan brata i stap lukim pik na em i tok, yu no givim het bilong pik bek long dok. Na boi i tok, "Yu nupela boi, yu kisim olgeta pik i go." Em i tok olsem na mi karim i kam.

Namba wan brata i ting, em ating paitim em o kilim em samting. Em i ting olsem na em i no kaikai pik. Orait, tumora bai mi go lukim. Orait na moningtaim tru em i go kamap long maunten. Na smok i no kamap long dispela ples bipo em i go long en. Na em i kraai wantaim na i go kamap long haus. Nau em i lukim dok i slip klostu long paia. Klostu em i laik indai.

Taim em i lukim dok, dispela taim em i dai na em i kraai na planim. Na em i kam long ples na kilim brata bilong em. Na susa bilong em i go marit. Sapos namba tu brata i mekim gut long dok bai tupela inap sindaun gut, tasol boi mekim rong na ol lain i bagarap.

Peter Kopen Muli Pumakos

## PAINIM WOD PILAI

Ol wod lista:

AUPA

FAIV

HAUMAS

KARUKA

LINDAUN

OKTOBA

BALBAL

PAUL

RAIFEL

SOLWARA

TRUIM

YUPELA

TANTANIM

SAMTING

POTOIM

NAMEL

LAULAU

HAPIM

GLAS

KRAI

HAUMAS

P S H P S N I O F M S D N H X E T D C A E H E J R  
T V R C H P K N T T G P B E A E G E D N N G E S L  
A A O Z W T S O N D O N C A F E A Y E M E G F B I  
A E N D E E B L K T U F I E R D W B E O S G E R S  
T H R E Z L O F H E H O Z T N S O M Z L T R A R I  
H A G H A B N L P M R A R H R E R I K L I K L I H  
S O A G N U S Y A B F U P U S A O S A K O N V Z R  
E N D A T I P T I A E R A I F E L M R A L A P K D  
W S S U T N M A P L Y L T M M C B P U L H A N J L  
C L I A G R A M A B U O I A S W I S K B M P K H A  
V O D A K N D M U A P P I N N A K G A Q A R L A N  
C D A I N Y O H L L E A G S D T M R D B T V T R V  
E M H X M D S O A G L A S P D A A T X I E S N V R  
S D N L F H L V I U A F O O W U N I E L U Z Q R  
O U N L G Y I F J W M G N T L K N N I N C E E M E  
O P U O E A T G G G G A I O T B T F K M G C L N T  
A S H G F Z P M O J N A S I S E E O E A L E C S S  
N H E W S P G I O T R U I M W I N P B R M H S Q I  
E I T D E G R C B K F H S A N D E L C A A A N A I  
L L U M D A Q T M P F D H I P O D Z N E M O E M L

Ansa bilong Wod Pilai isu 2197

O T F A E A F D T P R C Y T H E B U N D B H N P N  
S J U O S I E S W N R S L S G E E U H P P E D C Y  
C O O U C G R O E T M H B I L O N G A J L P T I F  
R H S L W O A W E N D N I K S I S N T F O U B N L  
S G S D S O J N F D T F W E P P I K W S X L I Q E  
O E A E S N S E I R H U P A G A N E R T O B I M P  
M H T Y R M A L V T R L A D P B M D I U V O A A S  
I P E O N H T E M T B T D Y U R M N K N I T A J E  
E C G O T K I S G E U S G S H C I V T I Y I M B H M  
U S P T T Y D N D G G P O S O O S N R K A N A F X S  
L T G S E G E E O F A I M W H I E A R K W B C X L  
E S E R A I P N K C M E M E I M R P A A L P E M Q  
V U F F L Z H Q T P Q P X W K T I C U B Z R M D C  
G N I F J A S E A E S J R O M A G Y N O I I Y E E  
D A X I E H T S I P S C W O T N P Y W R N F O O A  
J E U K E E U S T O M E K N A I S A A E F D T G G  
K Q E V M A E B N C Y A F L O S T E R Y L A Z Y P  
J S T E M T R E T L L A G C R H T P A E I C W E N  
I P P S U O M T Y F B N G L U E M S I R S E N Z Q  
A R H O G S B C L M E R I Z H P C O P I L A I C E

# Ol yangpela i pret long taim Frans i rausim setelmen

Aaron i wanpela yangpela man bilong kantri Eritrea. Em i gat 16 krismas na i stap wanpis. Em i wanpela maigren, o man i painim narapela kantri long sindaun, long wanpela skwata kemp long ples Calais long kantri Frans. Em wantaim planti ol yut na ol pikinini i stap wanpis long dispela kemp em gavman bilong Frans bai rausim long dispela wik. Dispela kemp i stap long nambis we samting olsem 8,000 manmeri na pikinini i sindaun na wet long sans bilong lusim Frans na go long Yunaitet Kingdom (UK).



Sampela pikinini long kemp long Calais i stap wantaim famili, tasol moa long 1,000 i wanpis.

Aaron i bin stap long dispela kemp long Calais inap 5-pela mun nau. Em i laik go long Ingran we em i bilip mama bilong em i stap.

Em i save olsem bikpela samting bai kamap long dispela kemp. Em i bin harim olsem gavman bilong Frans bai rausim samting olsem 6,000 maigren long dispela kemp na salim ol i go long ol arapela hap long Frans.

Em i pret long kalap long bas na i paul i stap.

“Mi laikim mama bilong mi,” em i tok.

Las yia, Aaron i kamap long Calais long mun Jun. Em i bin

gat 15 krismas long dispela taim. Em wantaim mama bilong em i ranawe lusim Eritrea bihain long pait i kamap na planti manmeri i dai. Long taim i wokabaut long ples wesana we i no gat wara na inap kaikai, mama bilong em i bin lus. Em i save mama i laik go long Ingran. Aaron i go kamap long Lybia na i go long Itali long bot we em i lukim planti pipel i bin dring wara na dai long solwara.

“Mi mas go long Ingran. Mama bilong mi i tok long go long Ingran. Long nait mi

save driman nogut. Mi laik painim mama bilong mi tasol,” em i tok.

Em i no gat famili long Ingran tasol long taim em i stap long kemp, em i wok long laik tok Inglis na i skul long at wantaim ol volantia. “Mi harim olsem ol skul long Ingran i gutpela,” em i tok.

Dispela wok bilong rausim Calais refuji kemp i stat long Mande na bai i stap inap wan wik. Gavman bilong Frans i laik gavman bilong UK i mas kisim samting olsem 1,000 wanpis pikinini

husat i stap long dispela kemp. Ol i ting samting olsem 6,000 i go inap long 8,000 ol refuji na ol maigren i stap long dispela kemp long Calais.

Dispela kemp i bin kamap las yia bihain long ol polis i rausim ol skwata setelmen na putim ol long wanpela eria. Tasol ol i no ting dispela bai inap pinisim hevi bilong ol maigren. Nau em i 20 yia bilong dispela hevi bilong ol pipel i sindaun long ol kemp nabaut long Calais na wetim sans long go long Ingran.

## Ol Kurdish na Turkish fos i bung wantaim na pait

OL Kurdish paitman husat i kisim sapot bilong ol ovasis lain na ol lain bilong kantri Turkey i kamap long wanpela taun klostu long Mosul long Sande. Ol i kamap klostu 9 kilomita longwe long not Iraq long taim ol i wok long raunim ol lain bilong Islamik Stet.

Ol lain soldia bilong Kurdish peshmerga i bin go insait long dispela eria tasol ol Islamik Stet i bin strong na kamapim bikpela bagarap.

I bin gat 500 soldia bilong Turkey i wok long trening wantaim ol Sunni na Kurdish long redi long tekova long Bashiq. Praim Minista bilong Turkey Binali Yildirim i tok olsem bihain long ol askim, ol tenk na atileri bilong Turkey tu i joinim dispela pait.

Tasol gavman bilong Irak i tok ol i no givim tok orait long Turkey i kam insait long kantri bilong ol long pait. Turkey i no laik rausim ol soldia bilong en.

Ol lain peshmerga i tok ol i kisim 8-pela ples long Bashiq na ol i kontrolim seksen bilong haiwe i go long Mosul.

Ol i tok tu olsem ol i kilim lida bilong Isis long Bashiq, Abu Faruq wantim 5-pela lokal lida na sampela soldia bilong ol.

Ol soldia i wok long sekap long ol haus na rot na ol pablik ples long rauim ol bom trep ol lain Isis i putim nabaut long Bashiq long stopim ol.

Ol lain bilong Isis i wokim planti ol bom trep na planim nabaut long graun. Ol i wok long yusim ol pipel long pairapim bom na kilim ol yet wantaim ol arapela manmeri.

Tasol long hap biong noten Kirkuk, ol Isis i bin kilim ol sekyuriti fos na ol sivilein long Fraide.

Lain bilong UN i wok long wari nau long ol pikinini bikos moa long 4,000 manmeri i ranawe lusim Mosul long taim dispela pait i stat.



## Bigpela korapsen long CDF bilong ol Solomon MP

Sam Sekei raitim

OL asesmen we Transparency Solomon Ailan (TSI) i karimaut pinis i soim olsem samting olsem 2 pesen blong ol pipel long ol geta konstituensi i save benefit long ol Constituency Development Fund (CDF) bilong ol memba.

Wan wan long ol 50 memba bilong palamen i save kisim samting olsem 7 \$7 milien long developim ol konstitusen bilong ol insait long wan wan yia. TSI i karimaut wanpela projek ol i kolim Constituency Development Funds Community Audit we Yunaitet Nesens Demokrasi Fan i givim mani long ol long ranim projek,

we bai lukluk long rot we ol memba i yusim dispela mani long en.

Long dispela wik, Eksekutiv Dairekta, Ruth Liloquila wantaim sampela opisa bilong TSI i stap long Choiseul Provins we ol i holim ol miting long wokim awenes na lukim sapos ol komyuniti i benefit long ol CDF fan.

Mis Liloquila i tok long ol 24 konstituensi we ol i lukluk pinis long ol, em i klia olsem planti pipel i no kisim gutpela samting o benefit long ol CDF fan.

Em i tok sampela memba i yusim gut CDF mani bilong ol long helpim konstituensi, tasol sampela i yusim long ol yet na ol famili na haus lain bilong ol.

## Vanuatu i toktok long takis gavman i laik statim

Sam Seke i raitim

WANPELA bikpela isu we olgeta i toktok long en long Vanuatu long dispela taim em long tingting bilong gavman long mekim ol pipel na ol kampani long kantri i stat long baim takis.

I kam inap nau, olgeta wok manmeri long Vanuatu wantaim tu ol kopret kampani i no save baim takis.

Tasol gavman bilong Praim Minista Charlot Salwai i wok long kisim tingting

bilong ol pipel long stat katim takis long ol lain i save kisim moa long \$7,000 long mani bilong Australia.

Niusman long Port Vila, Moses Steven i tok gavman i laik putim takis long 10 pesen i go antap long 17 pesen.

Mista Moses i tok ol i wokim redio tokbek long dispela samting bikos gavman i laik stat long katim pesenel inkam takis stat long mun Julai neks yia, na long ol kampani long Julai 2018.

## Bougainville hevi stori i stap long humen rait piksa

Caroline Tiriman i raitim

WANPELA meri politisen long Bogenvil i tok em i amamas tru long wanpela piksa we i toktok long ol bikpela wari bilong humen rait long Bogenvil bai ol i soim long dispela wiken long PNG Human Rights Film Festival long Pot Mosbi.

Deputi Spika bilong Atonomas Bogenvil Gavman, Francesca Semoso i mekim dispela toktok taim ol i redi long soim piksa em ol i kolim The Price of Conflict and the Prospect of Peace.

Ol i bin mekim dispela

piksa long saut Bogenvil.

Dispela piksa i stori long wanpela mama husat i bin bungim bikpela hevi long taim bilong Bogenvil hevi, we i bin stat long ol yia long 1980's bihainim kros long graun namel long PNG gavman na Bogenvil Kopa kampani we Rio Tinto i bin papa long en.

Lain bilong World Bank long Is Esia-Pasiifik rijon i helpim long kamapim dispela piksa stori i helpim long kamapim dispela piksa long soim rot ol pipel i bihainim long kamapim gutpela sindaun na bel isi bihainim ol bikpela pait.

## Syria: Pait i kamap strong gen long Alepo



Smok i kamap long ol ples we gavman i kontrolim long Alepo.

BIKPELA pait i kamap gen namel long ol soldia bilong gavman na ol rebel paitman long Alepo bihain long tripela stop pait agrimen i pinis. Tasol taim bilong dispela stop pait i sot tumas na ol lain bilong Yunaitet Nesens i no gat taim long rausim ol pipel husat i bin kisim bagarap long eria ol rebel i kontrolim.

Ol lain rebel wantaim ol manmeri bilong Alepo i no bin harim singaut bilong ol

Rasia na ami bilong Syria long lusim dispela eria long taim bilong stop pait. Gavman bilong Syria na Rasia i sutim tok long ol rebel na tok ol rebel i stopim ol sivilien long lusim Alepo.

Samting olsem 500 pipel i bin dai na moa long 2,000 sivilien i kisim bagarap long taim ami i stat pait egensim ol rebel long isten Alepo. Ol rebel i kontrolim dispela eria long 2012 i kam inap nau.

Harim TOK PISIN long Radio Australia 101.9FM Port Moresby. Tok Pisin Service 6am - 7am 6080; 7240(KHZ) 7pm - 9pm 5995; 6020; 9710; 1280(KHZ)



## Sumgilbar yut askim Woks long kontrak wok

OL SAMPELA yut grup long Sumgilar LLG long Sumkar distrik long Madang provins i no amamas long kontrak Madang Provinsal Dipatmen ov Woks i mekim long givim kontrak long klinim pablik rot.

Ol yut i tok olsem Madang Provinsal Woks Dipatmen i mas go na askim ol viles komyuniti we bikpela not kos rot i ran long en, na givim kontrak wok long ol komyuniti yut long mekim. Ol i no ken kisim ol ausait lain na givim kontrak long katim gras na klinim arere bilong rot long NCR.

Long las wiken, sampela yut memba long ples Malas

long NCR i no amamas olsem wok kontrak long klinim rot long hap bilong ol em o arapela lain i kisim na yusim ol bras-kata masin na katim gras i stap.

Paul Thomas bilong ples Malas i bin autim bel-hevi bilong em long ol arapela viles yut husat i go long eria bilong em las wiken. Em i tok ating ol lain long Woks long Madang wok long givim kontrak long ol famili memba bilong ol long mekim wok.

Em i tok dispela kain pasin ol wokman meri mekim em korapsen na i no gutpela long sapotim komyuniti divelopmen long ol rurel ples.

Thomas i tok moabeta, neks taim Woks i mas go na toktok wantaim ol viles lida na sapos ol i gat ol yut grup o meri grup i ogenais pinis i stap, ol dispela grup i ken mekim ol gavman kontrak wok long klinim arere long NCR long Madang i go olsem long Bogia.

Wantok Niuspepa i traim long kisim toktok bilong Madang Provinsal Woks menesa, tasol em i no bin stap.

Dispela wok long katim ol gras arere long rot long Madang-Bogia haiwe em gutpela wok bikos em bai helpim sait bilong sefti bilong ol draiva na tu, long daunim birua long rot.

## Namba wan sola pawa fam bai kamap long Bitapaka

PNG Power Limited (PPL) i sainim wanpela agrimen wantaim Is Nu Briten Provinsal Gavman long kirapim nupela sola pawa fam long Bitapaka LLG eria long Kokopo.

Dispela sola pawa fam em i namba wan long kantri na em bai kamapim klinpela pawa saplai.

PPL, Lenape Development Group (LDG) bilong na Is Nu Briten Provinsal Gavman i sainim dispela agrimen long las wik Trinde long het opis bilong PPL long Pot Mosbi.

Dispela projek i laik kirapim 20 Megawatt (MW) sola fam long Bitapaka we

dispela pawa bai saplaim wanpela nupela hotel.

Dispela agrimen bai lukim LDG i mekim ol fisibiliti stadi long kirapim dispela projek. Is Nu Briten bai kamap olsem papa bilong projek na ol bai saplaim pawa i go long dispela nupela hotel.

Is Nu Briten Provinsal Gavman bai salim ekstra pawa i go long PPL na apim level bilong pawa saplai i kam long Warangoi.

Gavana bilong Is Nu Briten, Ereman ToBaining Jnr, i tok provins bilong em i lukim planti gutpela divelopmen i kirap.

“Gavman i kamapim pinis Is Nu Briten Provins olsem wanpela turis provins long kantri. Planti gutpela samting i wok long kamap.

“Bisnis na invesmen i wok long gro. Mipela i glasim olsem bisnis bilong turis bai gro tu. Dispela i nidim pawa saplai, gutpela na klinpela pawa saplai long helpim divelopmen bilong provins,” Mista ToBaining Jnr i tok.

Em i tok taim dispela sola fam projek i pinis, dispela bai helpim PNG Power long kamapim moa pawa na saplaim inap pawa long Is Nu Briten Provins.

## Oil Search givim K120 milien long kirapim APEC haus



Menesing Dairekta bilong Oil Search, Peter Botten.

**OIL Search Limited, biknem oil na ges kampani bilong PNG, bai givim K120 milien long kirapim wanpela bikpela na nupela haus long helpim PNG Gavman i holim bikpela bung bilong APEC long yia 2018.**

Nem bilong dispela haus bai APEC Haus na em bai kirap long Ela Beach long Pot Mosbi.

Menesing Dairekta bilong Oil Search, Peter Botten, i tok Oil Search na ol kontrakta husat bai kirapim dispela haus, i laik bihainim plen stret long yusim dispela K120 milien long kirapim dispela nupela haus.

Mista Botten i mekim dispela toktok long las wik Fonde taim ol i brukim graun long makim stat bilong ol konstraksen wok long kirapim dispela haus.

“Mipela i basetim K120 milien long kirapim dispela haus. Em i tait baset na mipela bai no inap kisim

sampela moa mani gen long sampela hap.

“Mipela i laikim kontrakta long bihainim dispela plen na pinisim kontrak long taim stret,” Mista Botten i tok.

Mista Botten i tok dispela patnasip bilong gavman na Oil Search i lukim planti gutpela na bikpela divelopmen i kamap long kantri.

“Mipela i amamas long kirapim dispela nupela haus. Mipela i amamas tu long strongim patnasip bilong mipela wantaim gavman.

“Dispela haus bai kamap wanpela namba wan haus long Pot Mosbi taim PNG i laik holim bikpela APEC bung long yia 2018.

“APEC bung long yai 2018 bai pinis tasol dispela haus bai stap yet na em bai stap olsem wanpela han mak bilong Oil Search long divelopmen bilong kantri,” Mista Botten i tok.

Em i tok Oil Search bai bihainim save na ekspirens

long bihainim baset na menesim projek na pinisim kontrak long taim stret.

Sampela ol bikpela divelopmen insait long kantri we Oil Search i givim em ol, Nesenel Futbol Stadium (pastaim ol i kolim PRL) long Pot Mosbi, Sir Manasupe Haus (pastaim olpela Painapel Biding) long Waigani, Agiru Center long Mendi, Sauten Hailans Provins, na arapela gutpela samting.

Hela Provinsal Haus Sik i save kisim bikpela helpim long Oil Search anit long Oil Search Foundation.

Las wik tasol Mista Botten i kisim wanpela bikpela luk-save long kain ol bikpela na gutpela wok em i save mekim long bisnis na komyuniti wantaim.

Wanpela biknem megesin ol i kolim Harvard Business Review i glasim na skelim Mista Botten olsem em i wanpela bilong ol top 100 CEO bilong wok.

## Graham kamap siaman bilong Kumul Minerals

GAVMAN i makim pastaim menesing dairekta bilong ExxonMobil PNG, Peter Graham, i kamap wanpela independen dairekta na siaman bilong Kumul Mineral Holdings Limited (KMH).

Mista Graham em i man husat i bin go pas long kirapim bikpela ges projek bilong kantri, PNG LNG projek, na nau em i menesing dairekta

bilong Ok Tedi Mining Limited (OTML).

Praim Minista Peter O'Neill i tok gavman i makim em i kamap nupela independen dairekta na siaman bikos gavman i nidim kain save man olsem em long helpim gavman i menesim gut ol mineral risos bilong kantri.

Mista O'Neill i tok gavman i gat

strongpela bilip long wok bilong Mista Graham bikos em i gat save na planti yia ekspirens long risos industri.

“Ekspirens bilong Mista Graham i ken helpim KMH long lukautim gut ol mineral aset bilong kantri olsem gol, kopa, silva na nikel,” Mista O'Neill i tok.

Em i tok gavman i makim Richard

Kuna, Presiden bilong Setifait Praktising Akaunten (CPA-PNG) na loya Stanley Liria i kamap tupela nupela dairekta bilong KMH.

“Ekspirens bilong ol, save bilong ol na nem bilong ol long kantri i stap gut. Gavman i bilip long ol. Ol i ken mekim stretpela wok long,” Mista O'Neill i tok.

Mista O'Neill i tok ol dispela man

bai ranim KMH long larim kampani i kamap olsem nomini bilong gavman long mekim bisnis long bikpela ol wol klas projek olsem Frieda River na Wafi-Golpu projek.

Menesing Dairekta bilong KMH, Thomas Abe, i tok menesmen bilong kampani i redi long wok wantaim bod long muvim kampani i go moa yet.



## Air Niugini announces flights to the Federated States of Micronesia

Commencing 3<sup>rd</sup> December, 2016. Connections available from Nadi, Honiara, Cairns, Brisbane, Sydney, Manila and Singapore.



**Air Niugini**  
www.airniugini.com.pg



For more information call



toll free on 180 3444

# DNPM bai wok wantaim ol developmen patna

**DIPATMEN bilong Nesenel Plening na Monitaring (DNPM) i laikim bai gat tok-tok na wok bung namel long olgeta stekholda taim ol i wokim plen bilong divelopim kantri.**

I no longtaim i go pinis, wanpela opisa bilong DNPM i bin tok olsem long taim bilong ol i opim wanpela K2.1 milien jeti long Madire viles long Saut Flai, Westen Provins long Sarere 15 Oktoba.

Dispela DNPM opisa i bin go wantaim ol lain husat i bin go long opim dispela jeti o liklik bris bilong bot long wara we Siaman bilong Ok Tedi Developmen Faundesen (OTDF) na Ok Tedi Maining Limited Deputi CEO Musje Werror, OTDF CEO Ian Middleton, OTML na OTDF opisa na ol lain i makim Nawae construction na ol nius man-meri .

Opisa bilong DNPM i tok Ok Tedi Maining em i wanpela bilong ol 6-pela di-

velopa we i wok long kamapim ol projek aninit long Takis Kredit Skim (TCS) stat long1997.

“Nau yet i gat 14 projek we i kisim tok orait pinis long kirapim, tupela bilong ol i stap long Enga provins, tupela long Sandaun 10-pela i stap long Westen Provins,” dispela opisa i tok.

Em i tok olsem TCS program i wok long kamapim gutpela divelopmen we i gat mining we i kamapim senis long ol komyuniti na ol pipel long planti ples we i stap longwe tru long ol taun, stat long yia 1992 i kam.

“TCS program wok long helpim yet PNG gavman long kamapim ol divelopmen prairiti o plen bilong en.

“Wok i save stat wantaim luksave bilong ol prairiti long lokal na provinsal level na bihain wokim ol projek wantaim ol divelopmen na Nesenel Gavman i save was long wok program,” em i tok.

Nesenel Gavman i save olsem i no gat gutpela wok projek i kamap olsem na em i mekim plen long kamapim ol infrastraksa projek we bai

kamapim ol senis, na wanpela bilong ol dispela kain wok em takis kredit skim we gavman i kamapim.

Dispela opisa bilong

DNPM i tok gavman i wok long ranim planti program bilong bringim ol gutpela samting na senis insait long maining na petroleum pro-

jek eria na tu long ol nara-pela hap bilong wantaim ol kain bikpela infrastaksa Projek na Takis Kredit Skim olsem.



Harry Wakina (lephan), pastaim OTDF Asosiet Dairekta husat i makim ol Saut Flai pipel wantaim wanpela opisa bilong DNPM i katim ribon long opim jeti long ples Madire, Saut Flai distrik.

## Nukundj i go pas long kamapim ol projek



Kondopina Haiskul dabol klasrum na haus tisa aninit long DSIP.

DEI Distrik long Westen Hailans i lukim planti senis wantaim ol gavman sevis bikos long helpim bilong nupela Distrik Divelopmen Atoriti (DDA).

Long planti yia, dispela distrik i bin stap nogut tru tasol nau em i wok long lukim ol bikpela infrastraksa i kamap long edukesen, helt, ol rot na ol bris.

Wanpela bikpela wok we DDA i bin wokim em long stretim ol olupela klasrum na domitori na long kirapim tu ol nupela dabol klasrum na ol domitori bilong elementri, praimer, na sekenderi skul na long stretim na na putim kolta long ol liklik han rot na ol nupela bikrot insait long distrik.

Wok bilong kirapim ol bris, helpim long ol skul fi, ol distrik masin we ol i baim long stretim ol rot netwok long mekim isi long ol i go salim ol kopi wantaim ol narapela samting ol i groim

long ol gaden.

Dei distrik i gat nem long kamapim ol nambawan kwaliti kopi na em i lukautim planti ol plantesin bilong kopi we i save givim saplai long ikononi bilong kantri. Kuk akiolojikol ples tu i stap long dispela distrika na em i gat ol samting we inap long pulim ol turis long kam insait.

Memba bilong Palamen i makim Dei Distrik, Wesley Nukundj, i tokaut olsem infrastraksa divelopmen projek long mani mak bilong K30 milien i karamapim ol hap bilong Dei distrik, we ol gavman i lusim tingting long en pinis.

Dipatmen bilong Implementesen na Rurel Divelopmen (DIRD) i bin go long wanpela DSIP monitaring patrol long distrik i bin kirap nogut long lukim ol bikpela infrastraksa i kamap pinis na stap.

“Ol opisa bilong gavman bilong DIRD i bin go wantaim

Praim Minista na Nesenel Eksektiv Kaunsil i bin tok amamas long distrik edministresen long wokim ol projek i opim rot bilong ol rurel pipel.

Tim Lida Michael Omba i tok Dei distrik i wokim ol projek na program bihainim 5 yia divelopmen plen bilong ol.

“Mipela inap long tok olsem distrik i kisim planti samting insait long tripela yia, long inapim Visen 2050 bilong gavman na long Midium Tem Divelopmen Plen na mipela i tok tenkyu long sapot bilong ol pipel long distrik na tu long olgeta LLG na ol narapela stekholda long kamapim gutpela wok bilong DDA,” Mista Omba i tok.

Ol samting bilong wok em ol i bin baim long Hardware Haus Limited long wokim ol klasrum, ol bris, ol helt senta, haus tisa na ol i sevim bikpela mani.



Kuiya ain bris, projek aninit long DSIP bai helpim moa long 2000 na 3000 tausen pipel.

Plantu pipel long ples i tok ol i gat bikpela amamas long nupela Memba Wesley Nukundj, husat em i namba wan taim memba long bringim ol kain bikpela sevis olsem.

Ol i tok tenkyu long Mista Nukundj na Praim Minista Peter O’Neill long putim mani i go insait long DSIP i go stret long distrik we ol yet i lukim wok bilong en long ai bilong ol.

Ol pipel i tok, long putim kain mani olsem, mipela i lukim olsem nau i gat senis i kamap long ol sevis we gavman i bin lusim long planti yia i go pinis. Olsem na DSIP na PSIP em i mas go het yet.



Nupela haus bilong publik sevan bilong Penga Gavman Stesin. Pastaim long dispela hap i bin gat haus bilong ol publik sevan, tasol Memba Wesley Nukundj i givim mani bilong DSIP long kirapim 10-pela haus bilong ol wokman bilong Penga distrik stesin.



Daniel Sturridge i skoim 9-pela taim we bipo em i bin skoim 8-pela skoa long Lig Kap resis bilong em.

## Carlos Albert: Futbol pilaia bilong Brasil i dai

CARLOS Alberto bilong Brasil na bipo pilai bilong futbol i winim 72 krismas na em i dai bihain long hat atek long Rio de Janeiro.

Em i bin skoim wanpela bilong ol bikpela gol long Wol Kap histori long 1970 fainal egensim Itali.

Alberto i bin stap baksait long Brasil moa long 53 taim na i winim ol domestik taitel wantaim Fluminense na Santos, na em i bin pilai moa long 400 resis.

Taim em i bin winim Wol

Kap long 1970, ol pilaia husat i bin pilai wantaim em Pele, Jairzinho, Tostao na Rivelino, we planti lain i save tok olsem ol dispela pilaia em ol namba wan pilaia bilong Brasil.

Ol i bin makim Alberto long wol tim long 1998 na i bin kamap namba wan pilaia long OL FIFA resis long 2004.

Bihain long em i bin pinis long wok bilong em olsem soka pilaia long Not Amerika wantaim ol Nu Yok Kosmos, em i bin menesim 13 klap.

Carlos i bin winim 1983 Brasilien Sempionsip wantaim Flamengo na em i bin lusim kosa posisen bilong Azerbaijan long 2005.

Alberto i bin gat bikpela luksave long Brasilien futbol bikos em i bin pilai gut na em i save go pas long ol gem long kantri bilong em.

Em i bin kamap kepten bilong ol Brasil skwat na i winim Jules Rimet tropi long Meksiko long 1970 na i bin go pas long ol strongpela pilaia olsem Pele, Gerson na Rivelino.



Carlos Alberto i sanap long han kais long top i skoim 8-pela skoa bilong Brasil.

# Liverpool i daunim Tottenham long futbol resis

LIVERPOOL i bungim EFL Kap kwata fainal bihain long pilaia bilong ol, Daniel Sturridge, i straikim bal tupela taim long daunim ol Tottenham. Dispela em i namba 10 taim we i no gat wanpela tim i daunim ol.

Menesa bilong ol Liverpool, Jurgen Klopp, i senisim ol pilaia bilong em 11-pela taim na Menesa bilong ol Tottenham, Mauricio Pochettino, i mekim 10-pela senis long taim bilong pilai, tasol ol Liverpool i soim stail bilong ol gut long bungim kwata fainal.

“Mi ting olsem yumi bai winim dispela resis na tru, driman bilong mi i karim kaikai,”

Klopp i tok.

“Ol pilaia bilong mi i no bin putim was gut long taim bilong resis na ol yet i kamapim sampela hevi, tasol mipela i winim dispela resis em i bikpela samting.”

Pochettino i tok em i amamas wantaim stail na kala bilong ol boi bilong em, tasol em i no amamas long risal.

“Mipela i pait i kam inap long pinis bilong resis na yumi gat inap sans. Dispela em i bikpela luksave na yumi i ken kisim sampela gutpela risal na dispela i ken strongim yumi long bihain taim,” Pochettino i tok.

## Inglan i makim Tes skwat bilong em



Winta Tes tim bilong Inglan. Top ro (L-R): Ben Duckett, Gareth Batty, Chris Woakes, Jake Ball, Gary Ballance, Haseeb Hameed, Zafar Ansari na Adil Rashid. Daunbilo: Jos Buttler, Steven Finn, Moeen Ali, Joe Root, Alastair Cook, Stuart Broad, Jonny Bairstow na Ben Stokes.

INGLAN i makim skwat bilong em long go long kriket resis long India we em i no mekim wanpela senis namel long ol skwat.

Namba wan pilaia bilong ol husat i save kisim wicket long olgeta taim, James Anderson, bai no inap pilai long namba wan Tes long Rajkot bai kamap long Novemba 9. Na tu, ol i no save long em bai pilai o em bai no inap pilai long namba tu Tes resis bai kamap long Visakhapatnam.

Dispela i soim olsem Jake Ball i stap yet wantaim ol skwat bihain long ol i bin makim em long ol i bin go pilai long Bangladesh.

Long namba wan Tes pilai, Inglan i bin pin-

isim 22 ran na i win long Mande wantaim namba tu bai stat egensim Dakah long Fraide.

Kepten bilong ol Inglan skwat, Alastair Cook, i tok, tim bilong aem i bihainim tupela Tes resis long Bangladesh wantaim 5-pela Tes resis long India bipo long bungim krismas na ol bai senis ol yet long posisen.

Ol Tes skwat bilong Inglan em Alastair Cook (kepten), Moeen Ali, Zafar Ansari, Jonny Bairstow, Jake Ball, Gary Ballance, Gareth Batty, Stuart Broad, Jos Buttler, Ben Duckett, Steven Finn, Haseeb Hameed, Adil Rashid, Joe Root, Ben Stokes, Chris Woakes.

## Wales: Williams na Ball stap yet long Australia Tes resis



Liam Williams i bin pilai long olgeta tripela resis egensim Nu Silan long Jun 2016.

OL i no bin rausim Liam Williams na Jake Ball long intenesenel Tes resis egensim Australia bai kamap long Cardiff long Novemba 5.

“Tupela pilaia i bin kisim bagarap taim ol Scarlets i bin pilai egensim ol Saracens na i lus, 44-26. Mipela i no bin rausim ol yet na i lukluk long ol bai orait o nogat,” Kosa bilong Wales, Robin McBryde, i tok.

Jake i save pilai lok, i bin kisim bagarap long bros bilong em taim ol Scarlets i bin pilai egensim ol Saracens.

“Banis bun bilong Jack i pen yet na mipela i no save long em bai kisim hamas wik long orait na wankain samting long Liam,” McBryde i tok.

“Ol pilaia i stap long nogut posisen we ol i stap namel long klap na kantri na ol i no orait yet.”

Long wankain taim, ol i tokaut olsem

kepten, Sam Warburton, i no kam bek long pilai bilong ol Cardiff Blues egensim ol Pau, bikos em i bin kisim wanpela liklik bagarap long nek bilong em.

Kosa bolong ol Cardiff Blues, Danny Wilson, wet long painim aut olsem ol bai lusim em long em bai kam pilai egensim ol Scarlets long Fraide, Oktoba 28, o nogat.

Ol Wales bai pilai egensim ol Australia long Novemba 5 na bihain ol bai pilai egensim Argentina, Japan na Saut Afrika.

Pilaia bilong Bath, Taulupe Faletau, i bin kisim bagarap long skru bilong em long premiasip resis long Septemba 3, tasol ol i bin makim em long Wales.

Australia i bin makim 32 man skwat bilong dispela resis wantaim ragbi lig pilaia, Marika Koroiibete, husat bai statim senia ragbi yunion resis.



# Wok kirap gen long pinisim nupela Ganglau klinik

**WOK** i kirap gen long pinisim ol liklik wok i stap yet long nupela Ganglau klinik na haus bilong ol helt wok lain long Raikos distrik long Madang provins.

Dispela nupela Ganglau ed pos na tripela haus bilong ol helt wok lain em Mineral Risos Atoriti (MRA) i givim mani long wokim bai kamap long 2012 wantaim kos bilong en em moa long K2 milien. Tasol wok i bin stop pastaim long em olgeta samting i pinis bihain long sampela hevi long sait long menesmen pastaim.

Tasol wok nau i kirap gen aninit long nupela kea-teka menesmen em Ramu NiCo Menesmen (MCC) Komyuniti Afes Dipatmen Jeneral Menesa, Martin Paining i go pas long en. Dispela i kamap bihain long wanbel i kamap olsem wok mas go het long helpim ol rurel manmeri long Ganglau na ol eria klostu husat i nidim tru medikal sevis.

Mista Paining long nau yet em kea-teka menesa bilong Basamuk Entaprais Limited, senisim menesmen pastaim husat i bin statim wok long dispela projek.

Long Fonde, Oktoba 20, 2016, Mista Paining i

bringim ol bilding samting bilong wok na karim long bot i go olgeta long Ganglau nambis. Taim em i stap long Basamuk, Mista Paining i redim ol memorandum ov agrimen (MoA) na i bin go bungim ol wan wan kapenta na toktok gut wantaim ol na ol i amamas na sainim agrimen long pinisim ol wok long tripela haus slip bilong ol medikol opisa. Aninit long agrimen, tripela lain kapenta bai pinisim olgeta liklik wok insait long wanpela mun.

Bihainim gutpela pasin na gutpela spirit bilong komyuniti rilesens, Mista Paining i bin bringim agrimen i go stret long ples we ol kapenta i wok na ol i sainim na wok.

Aninit long skop o rot bilong wok, em bai kisim olsem wanpela mun long olgeta wok long pinisim olgeta samting long tripela haus bilong ol medikol wok lain na insait long Ganglau helt klinik. Moa long en tu, olgeta kapenta husat i mekim wok aninit long kontrak ol i sainim bai kisim peimen i kam long REL.

Ol dispela tripela kapenta husat i kisim kontrak long wokim wan wan long tripela haus bilong ol medikol wok lain long Ganglau em

kapenta Lima Peter, Akuk Mamani na Munia Lulug.

Narapela kontraksa husat i kisim kontrak long pinisim ol liklik wok long insait bilong nupela Ganglau klinik em Guu Entaprais Limited, wanpela lokal kontrakta bilong ol papagraun bilong Ramu NiCo Projek yet.

Ganglau komyuniti lida, Mou Bilang i tok amamas bilong em i go long Mista Paining na ol sapot wok man bilong em husat bai kirapim bek dispela projek.

Mista Bilang i tok olsem Ganglau helt sevises save helpim planti tausen manmeri na pikinini na ol pipel i nidim stret kain medikol sevises bilong gavman long kirap gen long eria bilong ol.

Em i tok tu olsem bihain long olgeta wok i pinis Madang Provinsal Helt Divisen i mas lukluk na painim tripela medikol opisa long go stap long Ganglau na helpim ol pipel long eria husat i nidim stret gutpela helt sevises.

Kamap bilong dispela nupela Ganglau helt klinik em bikos long stap bilong Basamuk Rifaineri bilong Ramu NiCo Menesmen (MCC) long Basamuk eria long Raikos distrik.



Tupela long ol tripela nupela haus bilong ol medikol opisa long Ganglau.




Ramu NiCo CA Jeneral Menesa, Martin Paining i lukluk long kapenta Lima Peter sainim agrimen.



Ol kapenta i wok long pinisim wok long haus bilong ol medikol wokman.



Nupela Ganglau helt senta wok em Guu Entaprais bai pinisim.



# Itali na Ireland i go klostu long Wol Kap



Itali i skruim wanpela lek mak klostu long Wol Kap kwalifaing na ol pilai bilong Itali i amamas taim ol i bin daunim ol Serbia, 62-14, long Yurop Kwalifaing resis.

**STAIL** kala bilong Terry Campese i helpim Itali long kamap wina, 62-14, egen-sim Serbia long Yurop Kwalifaing na putim ol long wanpela gem longwe long go insait long 2017 Ragbi Lig Wol Kap resis.

Nau, Itali bai pilai egensim ol Wales long Sarere na wina bai go insait long Pul C bilong 2017 Ragbi Lig Wol Kap long Australia na Nu Silan.

Kepten bilong Ireland, Liam Finn, i bin soim kala bilong em tu long bringim kantri bilong em i go klostu long Wol Kap resis bihain long ol i bin daunim ol Spein, 46-6.

Ol Ireland bai resis egensim ol Rasia long Sande na wina bai go insait tu long Pul C bilong Ragbi Lig Wol Kap 2017.

Fainal ples ol bai kisim long Wol Kap resis bai kamap bihain long fainal resis bai kamap namel long tupela grup husat i stap namba tu long grup.

I gat tupela kwalifai grup long Yurop Kwalifaing we tripela tim i stap insait long wan wan grup. Wina bilong wan wan grup bai go insait

long Wol Kap resis na joinim Papua Niugini long Pul C.

Rana-ap bilong wan wan grup bai pilai fainal bilong kisim long Wol Kap we wina bai joinim Fiji na USA long Pul D.

Ol tim i stap long grup 'A' em Wales, Serbia na Itali, na ol tim i stap long grup 'B' em Rasia, Ireland na Spein.

Kwalifai risal bilong ol tim i bin pilai paslain em Wales i bin daunim Serbia, 50-0, na Rasia i bin daunim Spein, 40-6, long namba wan gem.

Long namba tu gem em Itali i daunim Serbia, 62-14, na Ireland i daunim Spein, 46-6.

Kwalifai resis bai kamap long dispela wiken em ol Itali bai pilai egensim ol Wales long Oktoba 29, long Monza, Itali.

Long grup 'B' em ol Ireland bai pilai egensim ol Rasia long Oktoba 30 long Bray, Ireland. Wina bilong grup 'A' na Grup 'B' bai resis long fainal long Novemba 5 long Leigh Spot Viles, UK, bilong kisim ples long Pul C long Joinim PNG.

Ol tim bai go insait long Wol Kap grup long Pul C em PNG, Yurop Kwalifai tim namba 1 na Yurop Kwalifai tim namba 2.

PNG i lukluk long winim tripela pul resis na i go insait long kwata fainal bikos ol resis bai kamap long asples, tasol tupela tim i no kwalifai yet long joinim Pul C.

Kumul i no amamas long ol resis i bin kamap pinis egensim ol, tasol ol i bin daunim Fiji long traim resis i bin kamap long namel bilong yia i hapim tingting bilong ol na i lukluk long kirap gen.

Wanpela tim tasol bilong Pul C bai go insait long kwata fainal resis, na salensim tim husat bai kamap namba tu long Pul A.

Ol tim bai stap insait long Pul D em Fiji, USA na Yurop Kwalifai Tim namba 3. Fiji i lukluk long winim olgeta tripela gem bikos ol i bin go insait long semi fainal bilong tupela Wol Kap resis.

Wina bilong Pul D bai salensim tim husat bai kamap namba tu ples bilong Pul B long kwata fainal resis.

## Metspoin i opisal hospitaliti patna

RAGBI Lig Wol Kap 2017 (RLWC2017) i tokaut long ol i makim RLWC2017 Hospitaliti bilong tonamen we Australia na Nu Silan bai go pas long resis na tripela pul resis bai kamap long Papua Niugini long Oktoba 27 i go inap long Desemeba 2 bilong yia i kam.

Metspoin em i gat pawa long intenesenel kopret hospitaliti na i save gat gutpela histori long ol bikpela spoting iven, em ol i bin makim Opisal Hospitaliti Patna bilong ragbi lig intenesenel iven.

Ol bai givim RLWC2017 Hospitaliti program i go long ol 28 gem bai kamap long 13 pilai graun.

Jenerel Menesa Komisal na Maketing bilong RLWC-2017, Rohan Sawyer, i tok,

“Mipela i amamas long patna wantaim Metspoin long Ragbi Lig Wol Kap resis bai kamap long yia i kam na i lukluk long givim hospitaliti sevis long olgeta hap bilong resis aninit long ol wan wan lain, grup na kopret klain.”

Metspoin i gat opis long Yurop na Australasia em ol i save gut aninit long Ragbi Lig long wol i save redim kopret hospitaliti long ol resis olsem Stet ov Orijin, Nesenel Ragbi Lig (NRL) gren fainal na Ragbi Lig Wol Kap long bipo.

Neil Cunningham, husat i Grup MD Metspoin i tok, “Dispela em i bikpela resis na bikpela sans bilong amamasim ol klain, wanskul na ol poro long planti rot long olgeta hap bilong pilai.

“Ol resis bai kamap long

Perth long Westen Australia, Darwin long Noten Teritori, Pot Mosbi long PNG, Not na Saut Ailan bilong Nu Silan na wantaim Pasifik Kos bilong Australia, na mipela i amamas long wok long ol dispela hap bilong resis,” Gunningham i tok.

Ol i stat long salim RLWC2017 Hospitaliti long Tunde, Oktoba 25, 2016.

Ol bai setim rekot we sapota mak long 450, 000 bai lukim Ragbi Lig Wol Kap 2017.

Ol i bin makim 11 tim pinis na fainal tripela tim em ol bai makim long Yurop Kwalifaing Tonamen we ol i resis yet i stap.

Tude, ol bai stat long salim ol tiket long ol pablik lain.

## FIFA renking i kamap strong



**Ol Papua Niugini i amamas long OFC Nesens Kap 2016.**

FIFA o Koka-Kola Wol renking bilong ol man em i rot namel long pasim OFC Memba Asosiesen na kamapim planti srongpela envairomen long rijon.

Ol rana-ap bilong 2016 OFC Nesens Kap, Papua Niugini, i skruim renking i go antap long namba tri ples long kantri i stap 159 na long rijonal renking em ol i stap namba tu ples long renking na ol i go klostu long birua bilong ol, Kiwi.

Renking bilong ol nau em ol i stap long hai

renking we ol i bin abrusim 161, renking bilong ol 2004.

Ol PNG i save stap long 184 ples long taim ol i bin statim resis, tasol nau ol i pilai gut.

Kantri i stap namba wan ples long OFC Nesens Kap, Nu Silan, i go insait long top 100 long FIFA Wol kap resis bilong ol man.

Long stat bilong dispela yia, ol PNG i bi go daun long 161 ples, tasol ol i bin pilai gut long OFC Nesens Kap na i kisim wanpela tiket long resis long 2018 FIFA Konfederet Kap long Rasia.

## Ol White i wina bilong Motu Koita 9s

OL Poreporena White i bin daunim ol Vabukori Gold, 14-6, long Motu Koita Ragbi Lig 9s resis long las wik Sarere.

Kosa bilong ol Poreporena White, Arua Ben Moide, i tok, tim bilong em i win bikos ol pilai i lus tingting long olgeta nogut tingting na i wanbel long taim bilong plet gren fainal resis.

“Yumi bin gat 6-pela wik long trening long Motu Koita 9s resis na mipela i bin pilai gut

long ol pul gem na mipela i bin go insait long ol fainal na winim dispela resis.

“Vabukori em ol strongpela tim tasol mipela i bin go insait long pilai graun wantaim gutpela tingting na i daunim ol,” Moide i tok.

Moide, husat i bipo ragbi intenesenel pilai i tok tim bilong em i win em ol i mekim wok redi long go insait long Motu Koita Ragbi Lig Asosiesen resis.



**Ol pilai bilong Poreporena White i amamas taim ol i winim Motu Koita ragbi lig 9s fainal resis long las wik Sarere.**

# Spot Hol ov Feim bai welkamim 5-pela etlit

**PAPUA Niugini Olimpik Komiti (PNGOC) i tokaut olsem 5-pela etlit bilong bipo em ol bai welkamim i go insait long Papua Niugini Spot Hol ov Feim long Novemba 26 bilong dispela yia.**

Ol i bin kamap etlit i mekim ol kamap sempion na ol i bin amamasim Papua Niugini long histori bilong spot na nau ol bai amamas insait long PNG Spot Hol ov Feim.

Welkam bung bai kamap long Gateway Hotel long Pot Mosbi na NBC TV bai brokasim laip.

Nau, ol i no tokaut long 5-pela etlit, tasol ol i bipo etlit bilong swimming, etletik, boksen na weiltifting.

Dispela em i namba tu Hol ov Feim we PNGOC i welkamim ol etlit. PNGOC bai go pas long amamasim olgeta bipo etlit na opisal bilong PNG long wan wan yia bikos ol i bin mekim bikpela samt-

ing long spot aninit long ol i bin winim driman bilong ol long ol yia i go.

"PNGOC i laik go pas na amamasim ol etlit bikpela wei bilong ol i bin winim driman bilong ol long sait bilong spot bikos yumi i luksave long ol mekim hat wok na givim taim bilong ol long winim driman bilong ol.

"Long ol i pilai gut na winim driman bilong ol i lukautim spoting histori bilong kantri na mipela i luksave long dispela taim mipela i amamasim ol long wan wan etlit husat i9 kamap namba wan long ol spot ol i resis," Seketeri Jenerel bilong PNGOC, Auvita Rapilla, i tok.

Namba wan Hol ov Feim i bin kamap long taim ol i bin amamasim 50 yia aniveseri bilong PNGOC long yia 2011.

Tupela bipo etlit ol i bin welkamim ol long namba

wan taim em Sir John Kaputin na Edward Laboran. Tupela i bin kamap namba wan tim long Teritori bilong Papua na Niugini long Britis Empaia gems i bin kamap long Perth long 1962. Nau ol i kolim Komonwel Gems.

Sir John em i wanpela namba wan etletik pilai long kantri i bin makim kantri bilong em na i resis egensim ol etlit long narapela kantri.

Laboran em i namba wan gol medal wina bilong PNG long hai Jam resis long namba wan Saut Pasifik Gems i bin kamap long Suva.

Sir John i save skelim planti ol eksperiens bilong em long spot long PNG na bai kamap ges spika long Hol ov Feim welkam bung bai kamap long dispela yia.

"Mipela i amamas long Sir John bai kamap ges spika bikos em i namba wan etlit

long joinim dispela grup na nau mipela i lukluk long 5-pela bipo etlit bai joinim Sir John na Laboran," Rapilla i tok.

Bikpela spot man na meri i save kam na go, tasol Spot ov Feim i lukluk long makim ol namba wan pilai husat i

winim driman bilong ol long taim bilong resis na luksave long ol we ol bai tingim bek long taim bilong ol long resis.



Seketeri Jenerel bilong Papua Niugini Olimpik Komiti (PNGOC), Auvita Rapilla, i tok klia long nius lain long Hol ov Feim bung bai kamap. Komesel Menesa bilong PNGOC, Andrew Runawery, i stap long sait bilong Rapilla. Foto: A. Molen/PNGOC

## Coast West na Karuka bai resis long gren fainal

AROMA Coast West na Goilala Karuka bilong Kila Haoda Kap resis bai pilaim gren fainal long dispela Fraide long Pelagai Viles long Aroma Kos, Sentral Provins.

Dispela em i namba tri yia bilong ranim gren fainal bilong ragbi lig resis.

Namba tri na foa fainal bai kamap namel long Porebada Bulldog na Vewala Pelagai.

Gren fainal resis bilong anda 20 divisen bai kamap namel long ol Keleone Pride na Keleone Gren. Marshall Lagoon Senterl bai pait egensim ol Koiari Osi long lukim husat

bai kamap namba tri we ol bai opim fainal resis long 10.30 moning.

Presiden bilong Sentral Premia Lig, Jack Kedeia, i tok, K30, 000 em i top prais bilong 'A' gret wina bilong man divisen na rana ap o tim bai kamap namba tu bai kisim K10, 000.

Ol wina bilong anda 20 divesen bai kisim K6, 000 na tim husat bai kamap namba tu bai kisim K5,000.

"Ol narapela prais em ol bai givim long ol tim i winim maina premia na kamap namba tri na namba foa ples," Kedeia i tok.

## Moa long 400 yangpela meri i stap long FIFA program

LIVE Your Goals Legacy program bilong FIFA i bin go stop long Kimbe long las wiken na moa long 400 yangpela meri i traिम pilai long Kimbe Akademi long Wes Nu Briten Provins long las wik Sarere.

Live Your Goal program em i rot bilong strongim na developim futbol resis bilong ol meri na promotim FIFA Anda 20 Wol Kap resis bilong ol meri.

Ol yangpela meri i stap wantaim long Live Your Goal program i bin gat sans long bungim Susa, opisal sain bilong FIFA Anda 20 Wol Kap resis bilong ol meri.

Dispela wiken i kamap namba wan wantaim planti ol aktiviti we wanpela komiyuniti long Kimbe na moa long 10-pela skul i bung.

Long planti ol yangpela meri, em i namba wan taim bilong ol long kikim bal na ol taim ol papa na mama bilong



Ol yangpela anda 20 meri i bin sanap bung wantaim Susa long Live Your Goal program long Kimbe long las wiken.

ol i stap long baksait na i sapotim ol long dispela program.

Josephine Waiwai, husat i bin makim Papua Niugini

long futbol long pinis bilong yia 1980 i bin stap wantaim olsem papamama long dispela taim.

## Martin Yaringa helpim rurel Ato spots asosiesen

**James G. Kila i raitim**

PASIN bilong helpim wanpela arapela long taim bilong nid em gutpela pasin we yumi ol pipel bilong Papua Niugini mas holim strong.

Dispela em strongpela toktok Martin Yaringa i mekim taim em i givim nupela spots yunifom i go long Ato Spots Asosiesen long Astrolabe Beria. Dispela spots asosiesen em save holim ol gems bilong em arere tasol long rot long Ato long Madang-Ramu haiwe rot.

Yaringa em wanpela strongpela Kristen husat i harim tasol long fil olsem

wanpela tim long dispela asosiesen i nidim nupela yunifom. Em i bin go lukim ol pilai tasol i stap na em i harim ol sampela lain i mekim dispela toktok. Taim em i harim em i sori stret na go yusim mani bilong em yet baim nupela set yunifom na karim i go givim ol lain menesmen bilong Ato spots asosiesen long givim dispelan nupela set olsem prais long husat tim i win long gren fainal.

Martin Yaringa yet em bilong Kawandam seket long Raikos distrik, na em wok olsem wanpela sefti opisa wantaim Ramu NiCo

Menesmen (MCC).

Long wok bilong em pas-taim olsem imejensi rispions tim (ERT) opisa wantaim Ramu NiCo, Martin Yaringa i save go pas tru long helpim ol mama husat i bungim hevi taim ol i laik karim pikinini. Planti taim Yaringa i save go wantaim ambulens taim em i kisim telefon kol na save helpim ol mama.

Martin Yaringa em strongpela lotu man na save go felosip wantaim Kristen Ri-vaivel Kruseid.

Em i tok pasin bilong helpim wanpela arapela em mas stap taim arapela i gat nid.



Martin Yaringa long raithan i givim nupela set yunifom long Ato spots asosiesen.



Praivet Netbal eksen long Pot Mosbi. Dispela ol pilai em pri sisen tasol na bai ol sisen propa pilai bai stat long tupela wik bihain.



PNG AFL eksen long Colts graun long Pot Mosbi. Dispela pilai i wok long pulim planti ol sumatin long pilai long dispela kompetisen.



Pri sisen eksen bilong Pot Mosbi Sofbal Asosiesen long Bisini.



WHITE TUNA FLAKES  
**DIANA White**



PRODUCT OF PNG  
MADE IN PNG  
Manufactured by:  
RD Tuna Canners Ltd.

WHITE TUNA  
insait  
**K 2.20**



Tasty and Flavourful White Tuna for Everyone!

# Ol bai opim FIFA resis long NFS

OIL Search Limited na Lokel Ogenaising Komiti (LOC) i wanbel asde long yusim Nesenel Futbol Stediam (NFS) long opim 2016 FIFA Anda 20 Wol Kap resis bilong ol meri long Novemba 14.

Siaman bilong LOC bilong FIFA, David Chung, i tok tenkyu long Oil Search i helpim ol long yusim NFS long ranim FIFA Anda 20 Wol Kap resis bilong ol meri bai kamap long Papua Niugini klostu taim.

"Mi tok tenkyu long Peter Botten bikos em i go pas na i tok orait long FIFA resis i ken kamap long NFS," Chung i tok.

"Faivpela gem bai kamap long Nesenel Futbol Stediam na fainal bilong FIFA Anda 20 Wol Kap resis bai kamap long Nesenel Futbol Stediam long Desemba 3.

"Mi strongim ol pipel bilong yumi i ken kam na lukim namba wan resis bai kamap long NFS long Novemba 14 namel long Je-

meni na Venezuela we ol bai opim resis na pilai.

"Na tu, tim bilong yumi yet, Papua Niugini, bai pilai egensim ol Korea DPR long NFS long Novemba 20. Mi laikim olgeta 15, 000 sia i ken pulap long dispela taim na wankain tu long taim bilong ol narapela 4-pela resis," Chung i tok.

Aninit long lidasip bilong Botten, Oil Search i tok orait na i mekim isi long PNGFA na FIFA LOC i ken yusim stediam long ol fainal bilong FIFA resis i ken kamap.

"Dispela i soim olsem Oil Search i gat ol kopret o bikpela wok long developim kantri na ol pipel bilong komyuniti i ken amamas na yusim ol feseliti bilong spot na long ol narapela samting tu," Botten i tok.

Long wankain taim, ol i bin senisim pinis pilai graun we ol i bin rausim ol gol pos na lain bilong ragbi lig na putim ol lain bilong soka na i redi long resis bai kamap long mun i kam.



Siaman bilong Lokel Ogenaising Komiti bilong 2016 FIFA Anda 20 Wol Kap resis bilong ol meri, David Chung, i sanap long han sut wantaim Peter Botten. Tupela i sekan taim Oil Search Limited i tok orait long Papua Niugini Futbol Asosiesen (PNGFA) na FIFA LOC i ken yusim Nesenel Futbol Stediam long opim FIFA resis na pilai ol fainal. Foto: Nicky Bernard



# Strongpela Marasin Bilong Kus Gutpela Prais!

Good Products, Better Prices, ikam long

**Johnstons Pharmacies Ltd**

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg